



樓

邨

詩

集



余於甲戌春重來都下華顛白紛問學荒落遂緘口不復論詩以故四方文章之士以詩見投者海從不絕乎讀猶入五都之市觸目琳琅綺繡徒驚其翠聚流離已耳無復尊酒細論時矣獨王子方若殷子彥來剝啄造門則不禁披衣以起又復攘臂論詩命觴浮白歡然意得夜分不能去顧以二子工於詩且久從余遊或不病余言之寡當也彥來之詩雅淵疏朗焱攸俗縣古人所謂初日芙蓉鏤金錯采庶幾兼之蓋其才勝也方若齒壯於彥來則以學力勝平日讀書得力於左丘明檀弓屈原莊周司馬遷相如枚乘以及唐韓柳氏故其爲詩如終南大華之峻拔沈雄虎豹龍蛇之騰攫變化元虞

樓郵詩集序

一

集自比漢廷老吏方若有焉至於精能之極間造平澹則又停雲淵泉朱絃清越如伯牙之學琴於成連引至海上窅然以深悠然以遠方若固無所不該也咄咄彥來將相爭乎抑相讓乎吾知二子分幟詩壇政不必有瑜亮之歎矣今夫學者之論詩也必泝其源流考其正變而後詩之道乃全歷代以來作者幾千百家矣古逸樂府河梁十九首非三百篇之續響乎建安而後不可無嗣宗矣六朝而後不可無伯玉太白矣退之之琴操可叶元音韋郎之五字直追正始鍾嶸詩品徐陵新詠唐人選唐詩下暨高廷禮之品彙馮北海之詩紀分門別苑沿波討瀾其道至今日而大備設執一卷之書守

偏家之說以求風雅之侷佛非不自負通才究亦木偶人之衣文錦耳可以作詩必不可與論詩也夫百物皆列之市者也我徒手而入市焉琳瑯綺繡競陳於前而真贗不能分貴賤輕重無以別彼翠粲流離之足以奪吾目亦奚益乎方若好學深思於詩之源流正變無疑義所以與之論詩有合也昔少游文潛同學於子瞻子瞻以爲秦得吾工張得吾易余誠不敢自居於蘇方若彥來二子其在秦張之間乎然子瞻作詩嘗欲效庭堅體亦猶退之之效盧仝孟郊今二子之才與學跋扈飛揚連躒儕偶余老且病何能效其什一姑與之論詩以自解其齷陋云濟南田雯謨

寶應王樓邨殿撰以詩文名海內下筆不能自休著述之富等身每一篇出人相傳誦及其沒後之五年余乃得卒讀其全詩不禁掩卷而歎歎已復讀曰嗟乎詩道之難言也天以山川封域奠畫方位而人之性情風尚亦遂溺於其土而不相調劑迺復取於性之所便目染耳濡浮華交會其能學以勝之而卓然不惑者蓋難也江左之詩輕圓便利略如其人國初沿虞山婁東遺響編珠綴玉人尚風流其後我師新城尚書司李揚州以詩倡率天下其時雋流雲合搢紳者舊布衣寓公屐錯觥飛江左之詩一時大盛嗣是以還雖流風餘韻猶有存者而或狃於所見之一隅或懼於前人之餘燄大抵

以塗澤爲風華以軟熟爲工麗所謂風雲氣少者豈其習尚固然哉夫亦不自振刷而浸以衰也樓邨出於江左詩學盛衰之際獨能輔之以學而不錮於習其詩排奐陡健能盤硬語一洗吳音然亢而不激險而不躓疎蕩而不凌越蓋以昌黎爲宗而汎濫於廬陵宛陵眉山劔南之間至其徵材之奧博使事之精核則如大匠揮斤巨耒細楠施之各適其用也如身入寶肆光怪蕩瀉而火齊木難之錯陳也少陵謂讀書破萬卷下筆如有神子瞻謂腹有詩書氣自華觀於先生之詩而益信矣先生績學嗜古久困名場其成進士已及暮年卒能以第一人自奮天下榮之然先生之所傳者仍不在彼而

在此也余因思江左詩流惟有明爲極盛然中間一奪於歷下再奪於竟陵語曰大江之南五湖之間其人輕心自古然矣先生生於風土柔嘉之地又日與海內諸鉅公相酬和而克自振拔不爲積習所拘聲燄所奪如此嗚呼豈非以其學也哉

康熙六十有一年歲次壬寅仲夏長沙學弟陳鵬年拜手題於淮浦官舍

樓郵詩集陳序

余充京兆鄉貢時年已四十有四又十年奏名禮部顧  
瞻彙進英英皆少年其間頰首下心夙昔所愛敬而兄  
事者癸酉則慈谿姜西溟癸未則寶應王方若而已兩  
先生咸負當代重名差池晚達先後以高第入史館一  
時稱風雅者兼歸焉西溟秉兀崢嶸不肯輕假牙頰其  
論詩以峭拔爲骨湛淡爲神方若寬和弘藹與人交必  
盡其忻懽發爲吟咏極筆墨之淋漓而一澤於古雅兩  
家詩品之不同如此顧唱子和汝胥引余爲同調焉豈  
不以年齒相亞而忘其媿陋與抑別有契合如草木之  
臭味與兩先生立朝皆不久逮余長假歸田西溟沒已  
十四年方若未幾亦下世西溟之詩先鏤板於德清唐

樓邨詩集查序

五

太常益功曾以序見屬方若詩尚未有刊本也雍正甲  
辰秋賢嗣懿誦以名孝廉來宰烏程甫蒞任亟專信使  
奉先人遺橐委余校訂將付剞劂并索弁言嗟嗟良友  
云亡老成頓盡以余之不才頭童齒腐猶在人間俛仰  
平生恍同前塵昨夢而耄已及矣所喜兩家遺集俱於  
吳興梓行一同年老叟獲覩成書各挂姓名於篇首是  
誠後死者之幸庸敢以不文辭若乃作者之精光聲價  
如照乘之珠連城之璧傳諸藝林有目共見區區蕪語  
又奚足爲輕重乎哉同學年弟海寧查慎行篋時年七  
十有六

余於樓邨殿撰爲三世交始先子典成均樓邨以上舍來謁余因得讀其制舉詞賦之文憚爲畏友及己卯與其仲子懿誦同年遂不敢以輩行齒逮癸未之春余登樓邨榜共入禁林樓邨復降而平交蓋十年之間交誼凡三變焉然余在館閣日淺雖間聯吟花底口詠心維尚不能探樓邨之藏也閱一紀樓邨以事留滯周南主余吳趨客舍殷憂恐懼余數解之樓邨貽余詩曰仗劍幾能逢劇孟繡絲端合爲平原則又成患難之交矣然酒酣耳熱輒縱談其學之根柢主客數番而始得樓邨之爲人與其詩之邃蘊固各有本也昌黎答尉遲生曰所謂文者必有諸其中本深而未茂形大而聲宏行峻

而言厲心醇而氣和移此數言以論樓邨之詩斯知樓邨者也夫以樓邨之才之行將六十而始達而能以第一人高其名於天下而卒不能竟其所遭以施於天下則亦命之窮也宜其詩之傳也必矣久之懿誦以龍竿諸集屬余編次授之劄氏凡如于卷余嘗以謂吳芾刻李端叔姑溪集爲同好也陸篋刻劔南詩爲父也今懿誦不忍沒其父之詩而余以同好得參於其間義雖不同而要歸於壽樓邨之傳則一而已故述其緣起如此至其詩之品第則有山薑滄洲悔餘三先生之言在不煩覩縷也時雍正三年乙巳季冬新安吳瞻淇拜題於吳門冰壺秋月齋



眼中南北兩詩伯新城尚書長水師

房師梅耦長先生為竹垞先生門下

士

登壇豎纛主揚扆分鏢流派稍參差後兼厥美查田

翁光芒萬丈柄劫持寰區鼎峙足橫鶩餘皆自檜無譏  
訾豈知珠光連麗社殿元奮臂揚旌麾文堂學海探竄  
寔詩與書皆第一宜乾蝴蝶句士林愛看芍藥什公卿  
知笑彼擅場楊汝士壓倒元白唯纖詞恨昔所見祇片  
羽手鈔口諷饒涎垂嗣君賢宰涖吾邑叩請乃得全豹  
窺編年纂輯不一集瓊葩瑰瓌光陸離貼妥排杲鼓元  
氣異音沁入人肝脾萬象凌暴孟東野疏鑿涇渭元裕  
之時出清妍逞標格直追霧夕芙蓉詩彷彿豈有步趨  
跡包孕自無毫芒遺唐韞韓杜宋蘇陸繡絲五色雲霞  
披况我眼饑且吻燥得不口頌還心維詩本言志論不  
爽公於仕宦羞韋脂金門苦饑仍錐咏自署頭銜王湛  
癡而此翕翕內執者蠅營握齷難醫治詩不破俗不擅  
勝朱查名位皆如斯我讀公詩服公品鷄鳴不已情同  
茲高懷古處善貽厥端明過邁皆雄姿卽今春陵歌溢  
耳在邑言邑非阿私他時披垣傳諫艸世譽終當還鳳  
池

樓邨詩集題詞

吳興後學吳斯洺敬題

先生清明豈弟純然古之君子問學該博才力敏練舉  
凡兵農禮樂朝章典故無不經營貫串而洞悉其源委  
至於文詞翰墨聊復謏謏所好姑玩勝日顧蹕厲特出  
已足鼎峙於新城秀水之間余自辛卯入京師得居先  
生甥館奉教言者靡間晨夕洎先生歸田以後僑居廣  
陵亦復時時獲親杖几每當好風佳日欣然有作一字  
未安深夜就寢必起挑燈改定後已其沉密不苟如此  
遺藁若干卷嗣君抑夫令吳興始從開雕余於今春棹  
舟訪抑夫於官舍重觀斯集悼歲月之不留憶風流之  
恍若悲喜不自勝抑夫囑爲校訂因識數語於卷末

雍正丙午二月子壻歛浦洪公寰百拜敬跋

樓邨詩集總目

龍竿集

卷一

壬申詩五十七首

卷二

癸酉詩五十五首

卷三

甲戌詩六十三首

卷四

乙亥詩九十九首

集前詩

一百五十三首

翠蘇集

卷六

丙子詩六十九首

卷七

丁丑詩一百四十七首

卷八

戊寅詩一百七十八首

樓邨詩集總目

卷九

己卯詩六十三首

卷十

庚辰詩一百六十一首

卷十一

辛巳詩一百二十首

卷十二

壬午詩九十九首

補過齋集

卷十三

癸未詩四十八首

卷十四

甲申詩五十九首

忍冬齋集

卷十五

乙酉詩四十三首

卷十六

丙戌詩五十八首

卷十七

丁亥詩四十五首

卷十八

戊子詩六十三首

卷十九

己丑詩四十四首

卷二十

庚寅詩六十七首

卷二十一

壬辰詩六十三首

鴻柯集

卷二十二

癸巳詩八十九首

梅花書屋集

卷二十三

甲午詩六十三首

卷二十四

乙未詩四十七首

卷二十五

丙申詩三十六首

樓邨詩集總目

樓邨詩集總目

終

樓邨詩集卷一

寶應 王式丹 方若

龍竿集 壬申

讀李翱集有感

早向韓門有美名未因攀附上青冥  
一從賦罷幽懷日關筴閒繙五木經

擬謝康樂遊山

端居感心跡寂寞遂至今支離寓遠目牽綴托會吟  
暫辭微官縛肆覽名山岑淺葺胷幽石半規冠高林  
巫湖遙澹淡斤竹近荒沈天雞南山曙夜猿石門陰  
穿雲瞰蒙密攀蘿陟嶇欽嵐濕空翠影泉響清琴音  
巖花裹屐齒天風動衣襟形神忽超越仰猶蕭森靈境成  
獨往美人勞我心蘊真良有托緬邈方探尋

樓邨詩集卷一

龍竿集

一

過顧瑟如寓齋見粘窗畫棗為題二韻句

春寒猶自薄書屏雙眼初閒手乍停  
多少煙雲歸障子惟殘渴墨護風櫺

知君小李是前身細涴濃皴筆有神  
翻愛荒山草槩在 不留顏色與時人

卽事柬喬疑菴

早是斜風細雨天啼鶯草草送流年  
爲過朋好添詩債不賣文章少酒錢  
砌角自犁花種密硯凹頻洗墨雲鮮  
拂箋寫得新篇去聊與先生一笑傳



疑菴詩有與春青作鄰之句余酷愛之用其意  
作二首

癡坐深春日正遲半畦花藥送青時枝經凍後枯須剪  
根到萌來密要移吹借融風方冉冉潤分微雨恰絲絲  
巡檐自結芳鄰好乞與韶光入小詩

漫說平居有所思幽偏頗與性相宜不栽高樹鶯稀到  
纔著輕花蝶遽知雷未破山蛟蜃卧雨都沉野鳳皇饑  
當春且作留春計斲眼青青一解頤

拜外父拙存張公墓無競留飲饗室

無競余  
內弟

尚憶趨函席于今拜墓門錢文銷碧血書冊闕幽魂

謂殉  
具也

垂野雲容變連膾水氣昏冬青當日泪重爲灑荒

樓郵詩集卷一

龍筆集

二

原公壬午孝廉

隱居不仕

天老論松閣風高簞食堂兩楹無舊夢一徑有斜陽貯  
雨花枝碧捎雲檜葉蒼壺觴歸路近惆悵暮天長

雨中憶縱棹圍呈喬侍讀表叔

只有無膠抵暮春闌風長雨泥芳辰不教林壑頻經眼  
枉是鶯花解趁人草發舊岡青幕幕水穿新汊碧粼粼  
仙源一棹何時撥待放晴光漾麴塵

養疴閒掩子雲亭硯墨流凹晝注經紫燕定依簾閣見  
黃鸝還傍舫齋聽劇憐苧舍通城角未怕籃輿過水汀  
尚有桃花將柳色帶人沉醉待人醒

惜春詞五首酬喬楮堂表弟

正欲作詩與楮堂十日不見春茫茫長鬚忽持五蠶至  
開緘四壁風花香

二月春風吹已破嬉春未賦東維詩兩師顛狂不肯住  
剛過淡紅香白時

畫川川上春陰寒今朝晴旭開林巒鶯簧燕剪更不歇  
蝶粉蜂鬚纔劇乾

主人注易停酒船昨投詩報殘春天酒伴急須招四五  
酒錢肯惜捐十千

被花惱徹花不知顛風狼籍餘幾枝欲挂長繩繫春住  
催歸一聲春別離

晚春同表弟喬無功楮堂過縱棹園飲花下

樓郵詩集卷一

龍聲集

三

探春遲十日落盡早梅花尚及桃花在相兼柳葉斜不  
風山擁霧得日水浮霞抵死催人去回頭怨暝鴉  
韋曲原無賴南鄰亦所思顛狂當好景涕洟是殘枝煙  
月鶯聲晚年華蝶夢疑更憑誰解事痛飲是吾師

次韻贈疑菴

謀樂方當鬪健時肯教容易過花期支排好景千觚酒  
報答流光百葉詩已不傷春猶惱亂但逢感舊只迷離  
老元短李頻偷眼漫共香山鬪好詞

疑菴目昔復明詩以志喜兼道鄙意

疑菴所居  
各留雲堂

自號留  
雲子

卓卓留雲子造物啓清闕盍虛有玄覽酸醎非俗嗜凡

其目所經意愜好迺摯插架前人編披覽飢待飼哦詩  
送日月歲鈔積奇字蘊真逢友生有作出相示剪燈傾  
舊醅笑視不逆意書閣對小山松桂左右侍時攜愛酒  
伴入林商裁蒔白白與朱朱當堦呈嫵媚平生積古癖  
裝潢聚奇秘况有秦漢物兼之宣成噐愛劇十五女几  
席冷光膩私記寶小紅雕鏤出程邃韜之古時錦睨之  
喜不寐客來沸瓶笙兩腋生清吹火候窺蟹眼頭網便  
可試未妨動機心坐騁方罨地茶熟碁一終破除閒中  
事事各關性情一皆以目治玻璃貯秋水萬類隨所值  
如何翳膜生二年爲之祟天旣留斯人詎令長瞍睡所  
以卯金君倏自東海至一朝施金鏡如撤蒙頭被異哉

雙瞳中運此鋒鏃利昔昔目之劫今明天所賜便令諸  
嗜好一一還清皆譬彼離鄉人忽焉復其類親黨羣走  
訊喜躍乃不啻忻忭旣以深寶嗇良不易戒怒而節勞  
斯言非無爲光以不用生如取火于燧用以善藏全涇  
水乃弗匱請君試聽之炯炯安其位願言當頌禱長生  
更久視

題楮堂畫秋水鳴鳧圖

蓼穗殷紅荇帶香鳴鳧閣閣水雲鄉從教抵死喧清夜  
不是人間熱客場

十丈紅塵取次刪南華秋水得清寒寫生妙處無人解  
濠濮悠然紙上看



次韻答無功兼謝其餽新茗

卽事朝朝多所欣，杜詩韓筆古爲羣。  
麻姑搔背真饒趣，此外衰如耳不聞。

小揮蒲葦卧書堂，新製投來枕簟涼。  
已喜阿能秋水卷，

楮堂一字致能清詞一幅又髯郎。

繞街襪襪走炎蒸，自愛吾廬六月冰。  
尚恨此曹揮不盡，夜爲蚊蚋畫爲蠅。

緘題纔啓已神清，風鈿依簾沸玉笙。  
啜罷一甌堪展卷，不然祇有睡心情。

病起觀楞嚴經楮堂投以詩疊韻奉答

治病無方有睡方，無何鄉外更無鄉。  
微茫寂照憑伽梵，

樓部詩集卷一 龍華集

五

麤淺參同笑伯陽，耳畔蟻蝶來袞袞。  
面前日月去堂堂，同君蕭散維摩室。  
嬾對薰衣傅粉郎。

再疊前韻

千金且與覓醫方，五斗何當入醉鄉。  
自不合時劉子政，未妨多病孟襄陽。  
涼風傍夜留桐院，小卉迎秋媚艸堂。  
好句肯教輕蹉過，哦成頻寄阮家郎。

三疊前韻答楮堂

病餘淡泊是良方，午後羲皇極樂鄉。  
爲愛沐花祈小雨，因催曬藥趁斜陽。  
河初絡角朝停扇，月正平弦晚映堂。  
可算人間清福在，差堪安頓老書郎。

次韻答姚曉嵐

打頭矮屋只三間，簷際斜明月。破環涼吹一簾飄，夜露孤雲兩角墮。秋山自能省事驅除病，不廢裁詩勾當閒。莫怪逢人科跣慣，比來禮數已全刪。

對宇連牆丈咫間，桐溪新句妙如環。王微有詠堪成賦，杜甫無錢可買山。一歲擁書聊寄跡，八分閉戶且耽閒。曉嵐自號八分閒戶生培風定向天池路，眼底螭螾合並刪。

喬侍讀表叔旣闢縱棹園製一舟顏曰雲裝煙駕之舫自題四首屬和

高秋清潦落平池，畫舫夷猶值此時。榜戛一枝寒雨濕，窗開十扇晚颼吹。芙蓉盤叢處輕度，菰葉聲中故故遲。好向浪恬波穩地，綸竿三尺手同持。

樓邨詩集卷一

龍筆集

六

明月微微海上生，氤氳空水恰初更。秋從楊柳橋邊老，人在芙蓉鏡裏行。拂樹未妨涼露重，踟波莫共宿鷗爭。興來賸送如泉酒，蕩漿遙憐小舫輕。

楚槽吳餉隨船具，羯鼓蠻絃向野開。按拍一聲當月上，聞歌兩岸有人來。仙源匝霞爲障繡，嶺迷離雪作堆。合是此中行樂地，厭厭良夜未成迴。

世事分明掌上紋，飲徒歌侶自羣羣。乍翻酒令隄邊賭，新得詩題草際分。官罷喜看曾未老，名成豈獨爲能文。友朋山水扁舟趣，滿載歸來澗底雲。

邨居志感呈喬侍讀表叔五首

一笑年來噩夢空，相尋隴上荷鉏翁。綠圍四野瀾漫雨，

黃覆千滕掩丹風小犢斜陽眠舍北荒鷄落日臨墻東  
拊膺未是耽高蹈只有爲農術易工

戢影從判百慮刪側身懷古涕潺湲  
啜牛李玄黃血踟躕膺滂虎豹關  
抱壤蝓蛭甘似蜜當門蘭蕙賤如菅  
請看較雨量晴地不怕風波到此間

可憐蝸角無多地蠻觸紛紛有是非  
合與休時翻變態最宜安處弄危機  
鳴梟已向人前逞沙蜮還從暗裏揮  
且喜呼牛聲不惡蟻喧盡怒耳邊稀

皓月中天照碧津廣塲如拭不飛塵  
便堪放眼三千界何止容卿數百人  
好鳥栖如迎客至幽蛩語似和歌新  
朗吟多病身輕句一瓊清醪約比鄰

樓邨詩集卷一

龍龕集

七

談讌別來經幾日三秋不見更多餘  
愛君清管繁絲地著我狂歌劇飲徒  
安得畫橈來野水並攜佳客醉邨沽  
便應付與丹青手行樂田家入繪圖

前溪

披襟乘月下前溪溪上葭蘆咫尺迷  
野卉殿秋隨意放寒蜩入夜盡情啼  
人同田父家常語詩入邨居雜興題  
莫更清狂咏蘭佩恐驚獬犬吠雞栖

疑菴七十賦贈

秋風老圃菊花枝底是先生謀樂時  
莫道歡娛非少壯香山七十醉吟詩

檢方取次刪除病倚杖從容領略閒  
片石孤松幽事足

算將人境當深山

何鄉可住無過睡有癖難治不是錢清供一盞茶正熟  
三竿紅日已時天

已拚無落眼光處却被神銳刮復清狂喜爲君吟一幅  
濃書大字看分明

要於紫蠟紅菱日特訪鷗心鶴貌來一笑把杯思舉似  
再逢三十度花開

過湯逸林卜畫堂

重倚松根思不禁婆娑黛色到而今樹猶如此人空老  
冷月疎風夜夜心

苔紋塔圮靜無塵簇簇紅英豔向人又是今年秋一半

樓部詩集卷一 龍聲集

八

寒蛩聲裏露華新

梅雨平缸藻荇深紅鱗金爍自浮沉江湖大有風波在  
此地居然濠上心

半尺青楓時幾行褪紅新葉媚朝陽冰心自愛經寒色  
移傍檐牙待早霜

涼風北牖愛高眠小闌迴廊地自偏清茗一壺詩一弓  
豆花棚底送流年

一簾秋氣晚蕭騷酒國憑陵足自豪莫怪阮生多痛哭  
羞將項領學兒曹

哭亦退兄二十六韻

菁華原奕葉文采自昂藏逸足騰騏驁雄詞吐鳳凰逢

人憑意氣得句發光芒慷慨思曹魏鏗鉤振李唐江淮  
名早出京洛客相將頓使盧楊屈能令籍湜僵大篇多  
浩瀚絕技更飛揚箭撚沙棚直碁敲線罽方短衣春試  
馬虛榻夜焚香海內交游譜天涯客子裝劇朱人不忝  
嶺徼路方長所遇緣雖偶無成鬢已蒼風塵埋姓字歲  
月冷冰霜數畝畊田薄三間賃宅荒籠鷹神局促樞驥  
骨摧傷末俗輕貧賤孤懷哭混茫鄭虔窮到死杜甫老  
徒狂自壽新篇在是年自爲生日詩相催鬼伯忙有兒家祚衍  
得僕主恩償辛螫應思患艱難已備嘗素幃宵露濕丹  
旒野雲翔尚憶鄰西舍旋教送北邙弟舅情漫切觴咏  
意難忘詞賦相如去人琴子敬亡屋梁猶落月墓道已

樓邨詩集卷一 雜集

九

斜陽歎息斯人逝酸風掩泪行

贈別余敏仲三首

尚憶征帆南下時飛飛歸鴈羽差池夕陽帆影河千曲  
夜雨燈花酒一卮奔走又拋新歲月塵埃猶認舊鬚眉  
雪泥鴻爪知何定與爾長歌當泪垂

夢斷邯鄲隔舊因五年不蹋帝京塵何當水驛山程客  
却作求田問舍人瓜熟陵東貪避地桃紅洞口怕迷津  
把茅定約爲鄰並邨酒雞豚日月新

袞袞諸公騰絕足寥寥空谷問皇天異鄉躑躅三千里

敏仲原籍蜀中破帽蕭條二十年是處擣衣摧木葉于今垂索  
走風煙丈夫不灑窮途泪却上離亭一黯然

蟹

齧盡吳杭膏滿匡秋風八月亦輸芒可憐手脚長如許  
乞命還憑十五郎

樓邨詩集卷一

樓邨詩集卷一

龍吟集

十

樓邨詩集卷二

寶應 王式丹 方若

龍竿集

癸酉

喬無功表弟招同朱恭亭楮堂介夫書樓課詩  
用山谷集中韻

樓角逗餘寒，瓶笙沸新火。論心集主賓，忘形對爾我。莊  
論亦諧談，然而可于喁。托古賢，毫楮分列坐。乍看  
晷刻移，儼督生徒課。鏗鉤金石音，散落珠琲顆。執耳君  
主盟，奉槃吾贊佐。迅思陣馬騰，猛勢鞞鷹餓。日暮梁父  
吟，風淒宋玉些。但令孟隨韓庶免，陸咄左。

書樊南集後

樓邨詩集卷二

龍竿集

一

南浦西樓憶舊羣，雲波好夢寄夫君。何因擬作元城令，  
刪抹陽臺一片雲。

縱棹園八絕句

瞥眼春陽紅破時，畫橈歌吹水雲期。何因衝雨江關路，  
未有桃花一首詩。

時余自  
邨上回

疊茵尚有紅香在，撒豆驚看青子懸。忙殺一春鶯燕過，  
桃根桃葉憶華年。

輓地楊花白似綿，貼波荷葉大於錢。破除春雨千林外，  
牽惹融風一水前。

天氣初暄物候遲，暉暉暖靄豔花枝。卽看紅藥闌干曲，  
似有游蜂浪蝶知。

真成野客被花惱儘聽催歸繞樹忙  
蜿蜿長隄圍萬綠  
勾留強半爲斜陽

漫過流水柴門逕小憩竹深荷淨堂  
怪底碧雲飛不去  
宵來新拍按霓裳

東西蓮葉游儻戲高下楊枝細羽穿  
便擬陂塘五六月  
隔林霞靚採香船

今年四度看圓月三度圓時却出門  
辜負東溪溪上水  
浪憑春草占黃昏

錦雞

萬里籠來戢奮飛昂膺拖尾射朝暉  
略同文采垂紅綬  
南方有吐綬鳥未解言詞學雪衣  
瘴海風煙天漠漠  
炎山雲草

樓部詩集卷二 龍筆集

二

路依依從教羽翼煩將護多恐鄉心  
不忘歸

可憐微物豈忘機妒好經寒有是非  
縱倚文章休失侶  
正多風雨莫輕飛  
鏡波澗澗鸞停舞  
竹粒秋枯鳳忍饑  
似爾雕笄時飲啄  
蒙恩應不歎知希

萵苣

土蘇根澱澱雨積葉冥冥入市傭論  
擔封厨婢數瓶常  
藟隨簞食下品識圖經  
却怪花谿叟傷心野莧青

過凌功九齋中

洗耳喧囂外論心索莫中  
竹因風約翠花借雨舒紅  
碁劫須臾約文章語  
句空平生幽興在依約是牆東

次韻答湯逸林



千尋豪氣倚雲高，破盡町畦是我曹。  
滿幅題詩真放浪，殘陽沽酒正呼號。  
夢魂客路迎秋鴈，生計荒邨長夜濤。  
安得把茅與爾去，臨流歌嘯浣塵勞。

疊前韻示逸林

元龍湖海自矜高，伏櫪悲歌憶老曹。  
花已過時朝露泣，雲終蔽日晚風號。  
前途尚想逢人項，要路誰爲啓事濤。  
好共詩場兼酒地，黃金身貴笑勞勞。

送逸林入都卽致湯西厓編修劉後齋都諫

今年早熱月在午，千里出門不知苦。  
聞君欲別飲君酒，酒酣問君向何許。  
往者汗漫遊長安，一峰草堂北道主。  
謂侍讀白門太史深相知，旅舍乃能致脩脯。  
逸林前館於胡璞崖

樓邨詩集卷二

龍學集

三

先名人疇士紛京華，出入馬蹄覓儔伍。  
百尺梧桐閣正開，萬丈長虹氣能吐。  
時蛟門先生深相接遇微名得失何足論，相

知所貴寫肝腑，人生合散風中煙。  
逆汨晨星詎堪數，歸來至竟不稱意。  
卜畫蕭條守環堵。  
逸林所居名卜畫堂叢卉春垂

三徑雲老松秋亞，一枝兩收身聊樂。  
茗香清顧影却慙鹿豕聚，乍提襪被辭妻孥。  
復走長安作羈旅，十年往事難重陳。  
欲埽何門行踴躍，故人惟有湯與劉。  
青瑣紅蘭

鸞鳳侶南州榻下好，淹留公孫閣裏方。  
延佇計君到時夏正深，雪藕銀桃勝甘乳。  
易酒一斛浣頭塵，提攜如意

蹋筵舞，余方墨守餘幽憂。  
寂寂徒令笑鄧禹，送君擬學

樊南詩，狂來筆力如牛弩。  
爲致兩公相問訊，離緒萬端

憑告語

無功齋中觀顧瑟如畫煙雨障子畫竟大雨傾

注卽席賦贈

顧君磊落才不羈林容山貌探幽奇桃花仙源一川錦

盤雲棧道光迷離

瑟如桃源棧道二圖絕工

短笈小製更神妙針鋒

粟穎吳蠶絲就中慘淡入冥契世人貌取徒爾爲近復

喜做米海岳濃磨墨瀋傾淋漓喬子十尺句驪紙解衣

盤礴經營時烘雲染雨態萬狀浦漱千重咫尺疑神蛇

攫拏走腕底意氣激宕人豈知是時我方科頭坐齋閣

火輪不動氣如灼倏忽變幻移陰晴黑雲嚙噬垂兩脚

空堂雷輒挾怒騰萬弩橫飛簷瀑落異哉造物相符會

樓郵詩集卷二

龍筆集

四

畫雨纔成雨頓作顧君癡絕笑謂余妙畫通靈風雷俱  
喬子瞪目絕叫世所無虎頭自贊良非虛挂壁豈羨北  
風圖嗚呼窮途俗眼君勿呀且當對此快飲連百壺

題看劍圖

扶桑天外發狂言讀破南華說劍篇剛道摩娑十五女

玉門亭郭正烽煙

宣德爐歌爲周中行作

周子一生多古意磊落閒身蛻世事抗懷欲著秦漢間

集古之錄成癖嗜水畫垂簾繁篆香宣德古銅發奇秘

一從搜訪市門東冷眼笑看亭字記

爐底有亭字暗記

云是先

朝鑄四等神物失却貞元利摩挲三日不離手雲霞浮

動幽光膩譬如畸人久鬱沈一逢知者拔其萃眼前蜣  
螂日轉丸爾雖玩物豈喪志春風秋雨媚幽居視北牕  
西高位置有時對酒佐清吟飢可當食倦不睡由來此  
事關性情翰墨書並游戲俗人嗤點此何爲周子不  
言但一喟

和友人南歸舟中詩

行李蕭蕭視蒯緱客途冉冉送牢愁此時夢斷玄都樹  
特地魂銷黃葉秋雲度明河方絡角山銜新月早懸鉤  
荒城漏徹知何處兩岸酸風一葉舟

同友人話舊有感限韻四首

離家暫作鳥辭巢行路真同僧打包作賦何能日五色  
問占還得復初爻城東野艇通煙渚舍北寒花剩露梢  
漫道草玄猶有宅不須著解亦憑嘲

宦合茫茫氣未降黃蜂何事苦鑽窗蕙蘭自合依空谷  
曹鄴都憑號大邦筆禿尚書乞米帖田荒半插打魚樁  
窮愁慰藉無他客日曉窺簷鳥一雙

歸來恰及月痕纖邨舍煙浮木葉尖鵝鴨漸添晨樹柵  
韭菘初熟晚腰鎌小槽壓酒歸新甕曲几焚香出古奩  
避俗好教無一事裁詩盡日撚枯髯

關心底事未能芟千佛名經淚一緘芝菌人情移晦朔  
蘄鹽吾道辨酸醎收身最怕魚粘網放意還看馬脫銜  
剩有故園風物好寒花壓帽酒沾衫

贈別二首

危檣拂雲雲我我有時縱酒時高歌心貴相知城府絕  
禮豈我設詼嘲多墜露青衫此日別清風白榻何年過  
記取柳絲拂蒨舍一帆兩槳凌煙波

行矣襟被歸柴門回頭往事君休論千花被野風爛熳  
一鴈叫月天黃昏尋籬尚趁晚香發得酒便掣秋河翻  
爲憐才力正強健他時或許相攀援

聞笛

關于北斗夜厭厭玉篴飛聲隔畫檐楊柳故園秋露重  
梅花清夢月痕纖思依錦瑟華年遠人對青衫別恨添  
莫待曲終腸斷盡河梁風景付邨帘

樓邨詩集卷二

龍箏集

六

高郵道中

艣枝鴉軋破潭煙野店西頭月已懸十里湖堤青草合  
露筋祠外水如天

次韻贈五琅范先生

海曲西來仰十山才名投老得高閒地當複嶺清江外  
人在疎風朗月間種秫一畦長醉白投囊千首欲凌顏  
煙霞平領神仙事不用砂牀乞大還

秋邨酌客

西風捲雨日初斜秋老孤邨感物華栖畝稻孫能放葉  
沿籬豆婢不成花鴈鴻叫野知尋侶豚犢緣堤各識家  
且喜新晴農事了共君把琖翫明霞

解嘲一首用天隨子病中秋懷韻

竭來嬾與病相兼罵亦由人敢畏嫌白傳詩逋難放遣  
藍田碁癖又新添晚花耐冷長縈砌社燕禁寒故傍簾  
呼馬呼牛堪一噓升沉原不問著占

題張素邨齋中

平原瓦屋恰三間側理離離繡小山自是俗塵難得到  
滿天風雨不開關

齊檐新竹一竿竿影與蕭疎色與寒七月西風下幽聽  
秋聲只在碧琅玕

百尺梧桐十尺枝槎牙石筍恰相宜每經疎雨微雲夜  
絕憶襄陽孟浩詩

樓邨詩集卷二

龍華集

七

帆影鞭絲取次刪雙清心跡是家山南華一卷神仙字  
莫把清閒付等閒

十二月初八日將赴都門拜辭先慈靈前泫然  
有作

未成封樹向天涯一拜靈前泪滿衣迨返舊猶供藥匕

丁卯七月至都十月  
卽返以先慈方病也重遊今已失慈幃七年聚散身將

老千里雲山夢總非枉是廬江思捧檄隴阡何日暮烏  
飛

自清江浦渡河途中作

路穿清浦歷陂陀柳岸行行跋馬過野霧西排延白日  
長風北偃截黃河塵隨前騎侵衣重寒偏重裘向晚多

樓指行程今第一鞭絲帽影自悲歌

仰化集北發

叢蒼人家邨有名離鞍僵臥暫身輕匆匆白飴皆行客  
莽莽黃沙又去程野樹亂迎行李稠晚風寒徹戾岡聲  
前驅打店投煙火惆悵天西月已生

薄暮偶成

白草黃埃驛路長馬蹄按日踐冰霜不辭擁帽禁寒氣  
且與垂鞭看夕陽凹凸千盤疲膂力雲煙四野變蒼涼  
天低鶻沒今何處一髮中原指帝鄉

早行

凍髭纔釋曉光初略試鞭絲亦自如安得小癡摹大李

樓邨詩集卷二

龍集

八

倩渠寫作早行圖

渡口

喧渡新河曲征軺肯暫閒斜風披帽帶殘日射刀環漸  
出徐方境旋經魯國山何時玉泉水一斛浣塵顏

郊城

鳴鞭乘暗逐飛埃日薄雲深曉不開遠黛馬陵山北過  
殊音鄰子國中來岡巒城郭臨河轉棗栗人家繞屋栽  
莫道此鄉風土惡參差煙樹暫徘徊

小憩郊城十里舖尋傾蓋亭舊址

倦客飢腸算去程喜看林外酒旗新小奚出店迎生客  
野老支筇數過人碑碣荒亭餘古蹟風霜敗壁有荒榛

我來瞻拜增三歎塵染征袍愧旅身

山行有感

峭風打面下層巒驟馬奔車不暫閒千里崎嶇生白髮  
一宵霜霰損朱顏年華逼臘如流水蹤跡因人似步山  
惆悵青駝臨古道浪遊京洛幾時還

青駝寺道中

人語鷄聲沸夜光雲山迤北客程長五更白馬河邊月  
十里青駝寺後霜後隊喧傳人墜馬前驅驚報路逢狼  
吾家叱馭非無謂險阻艱難欲備嘗

齊河道中值風沙一首

按轡齊河鞭影遲荒林衰草路依依風號乍撼坤維動

樓耶詩集卷二

龍竿集

九

塵漲平侵日氣微江左夸吾虛障面梁家巴馬尚汗衣  
舉頭遙指南征鴈羨爾雲衢自在飛

和吳伯御阜城夜行二首

霜落千邨夜氣清嚴威無計避山程月中人向塵中亂  
枕上詩從馬上成鷄唱烏啼愁破夢山魈野魅恐同行  
打尖渴望炊煙處小憩高吟慰旅情  
已經旬日路陂陀正及寒冰未泮河努力自憐餐飯減  
關心只畏雪霜多平分北道燕齊接側望東皇草木和  
長夜漫漫方待旦單衣短布一高歌

嶽廟

青帝神宮接碧霞列楹丹牖吐光華三宵星日盤高棟

四壁藩旗擁後車，蚪蚪豐碑文錯落。龍螭老檜勢槎枒，  
漢唐以後多陳迹。何處軒轅七十家。

白溝河爲容城地，居人道椒山。先生旌忠祠，新

葺甚整，以路遠未往謁，感賦一首。

聞說先生廟貌新，衣冠遺像儼嶙峋。楹前諫草書千字，

塔下奸諛跽五人。嚴嵩父子何齷齪，  
胡植馮懋卿也。北闕冤纏同死案，

附張經案論死。東風刀斫不亡身。楊大洪先生臨刑語云，  
刀斫東風于我，何有哉。椒漿

一拜無由展野立，踟躕獨愴神。

### 茆店

又投茆店宿寒氣，倍凌兢。月墮催邨柝，風鳴慘壁燈。客

囊隨臘盡，鄉夢偈年增。夜起何匆促，惺忪百不勝。

樓邨詩集卷二 龍集

十

將至都門先寄劉後齋都諫兼訊張無競喬介

夫

六年不擬到燕臺，乍可轟騰逐伴來。笑問遊人留舌在，

肯教詩客碎琴回。五更鞭筭寒猶怯，十日塵沙眼倦開。

幸有故人天上住，好傾懷抱向深杯。

瑣闥風日傍初春，玳瑁書籤次第新。前日半緘將使命，

今朝不速有來人。賞奇析義言何敢，來書有賞奇  
析義之語。落月

清風夢已頻，更與坐中詢二妙。合離悲喜一年真。

### 除夕前一日抵都門

數徧間關路，二千琉璃河畔促征鞭。天回暖靄忘冬後，

人到京華占歲先。明日屠蘇應餞夜，今朝野頓尚論錢。



感時恨別都休問且浣頭塵一醉眠

樓邨詩集卷二

樓邨詩集卷二

樓邨集

樓郵詩集卷三

寶應 王式丹 方若

龍竿集

甲戌

正月六日醉後放歌用坡公定惠院詩韻

新正纔破寒未銷帝里風光值良夜飲徒幸集五六人  
一院斜明初月下放懷浩蕩勢莫當長鯨欲吸銀河瀉  
易州新醅黃芽蘗攪釉雜坐燈枝亞乍迴眼白禮豈設  
頓發頰頰酒能借誕謾便須齊藉伶文章那解推頰謝  
遶肘亂堆蝨蝕書隔年飛夢龍華舍醒時愁緒如苦茶  
醉中佳境逢甘蔗觥籌雨注一罌傾觴政風行小戶怕  
痛飲不須說塵事免使狂奴岸冠罵

樓郵詩集卷三

龍竿集

一

送孫鶴田出都次留別韻二首

又捉鞭絲出帝闈晨風臨發倍酸辛春華二月還家日  
客路三年下第身唱罷鬱鬱輪成底事持將襍被向何人  
皇天老眼真難問爛醉還貪酒味醇

短檠夜夜客愁禁誰識清商慊音阮籍自能橫白眼  
王陽豈解作黃金故鄉雲草思親泪遠道關河遊子吟  
與爾同心不同住天涯風雨憶朋簪

蹋青詞五首

節物驚心又禁煙平原芳草暮春天殢人何處東風好  
只在嫣紅淡白邊

酒旗颭颭幾亭臺小步沿緣曲水隈絕憶江南郊野綠

蒲弓響逐紙鳶來

無計留春日躡春斜風委委掠芳塵隄邊楊柳關何事  
儘放飛花撲路人

碧帷圓頂出城闔澹沲流光迂麗人一抹紅霞低貼水  
垂花盦葉好嬉春

惱亂天韶自酒狂更教驅使入詩囊啼鶯已破春三月  
爭遣勾留是夕陽

漢廷

漢廷賈讓正籌時端爲東南力已疲有物沙中能伏弩  
不平局裏莫彈碁冰霜占地春難覓蕉鹿經宵夢可知  
珍重斜川安穩甚一輪孤月照燈枝

樓郵詩集卷三

龍吟集

二

賦得委懷在琴書

空齋澹營慮兀坐觀無始四壁列琴書吾心於此止古  
音闕清絃往蹟臚故紙所貴寫性靈無勞掇粃滓晨興  
荷鋤出荒穢亦已理時還睠吾廬拂拭消吝鄙泠泠澄  
幽陰聆聲不在指開編覲前哲煥若發屯否微雨從好  
風時節方清美惟慮觸塵網牽率忽去此悠然耽所好  
娛樂暢遐旨

喬介夫寓齋芍藥一瓶姿豔迥絕屬爲題詠得  
絕句十三首

存四

浩態狂香何處來可憐名種是豐臺三春陌上塵迷眼  
今日看花始一開

采采濃香一番新科頭癡坐度芳晨出門不少看花地  
讓爾紅塵紫陌人

一嗅幽香午夢清無言有態可憐生肯開笑靨迎孤客  
自是名花不世情

金尊翠杓擁瓊醴醉傍香跗當麗姝却笑梅花太寒儉  
教人飲水讀仙書用放翁語

題李松嵐黃山圖

十載黃山夢黃山遠笑人羨君成獨往開卷得清真怪  
石青排案飛泉白挂紳只須剪此幅已覺卧遊親

又題黃山半偈山房圖

寂寥人境外蒼翠一房前有樹都如蓋無峰不到天太

樓郵詩集卷三

龍筆集

三

虛分夜籟下界隔朝煙何必持禪偈方知息萬緣

送洗馬丘先生歸里

一挹丰儀拜老成文章聲價在西清兒童項領爭先出  
誰識丘遲舊擅名

清選官銜是桂坊一編冰雪擁幽香自知文紀開皇日  
不學時人唱媚孃

九方冀北事重論能使驂騮骨相尊先生分校禮闈得卷冠榜不少

鹽車淹驥足一時翹首望公門

祕閣香煙御幄開分題五字屬清才莫言枚叟風流減

親領紅綾餅餤來

索寞西城有寓公謂喬石林表叔遺經孤抱對秋空交情若箇

如靈鞫癡坐連牀夜雨中

何因未老拂衣還興在淮南叢桂山他日龐公門外過  
肯除苔逕啓花關

題家書後示懋懋訥兩兒

平安題後又開封剔盡燈花夜已中寄語兒曹相憶否  
客心只繞孟家東

所居巷名

圓月當頭只獨看蕭條襍被是長安六張五角成何事  
浪擲魚磯七尺竿

問訊東田更若何莫教生事付蹉跎連騰若報秋光好  
絕勝驪駒白玉珂

小院閒堦闔戶宜一編兄弟自相師既耕還讀吾家事

樓邨詩集卷三

龍巖集

四

試展淵明誠子詩

寓齋種花二絕句

矮簷幽砌似山家晝永簾垂靜不譁細雨侵晨鋤小徑  
也教栽徧女郎花

百錢花市覓紅蕉列種南榮對次寥清晝濃陰吾所愛  
鄉心只怕雨瀟瀟

送孫鶴田之成都卽赴榮經

草草還家更離家荷衣不許浣塵沙膏車記得前番別  
宣武門西日又斜

此去蠶叢鳥道通搖搖鞭影向臨邛已經劒棧青天上  
更上西南幾萬重

榮經古屬臨邛

客路天邊不暫閒馬蹄躡徧蜀城山最憐密菁深林路  
半在黃埃赤日間入蜀正  
在六月

四十飛騰鬚欲斑千盤雲草送征鞍那須更覓君平卜  
久已人間行路難

萬里橋西故宅空詞場千載更誰雄石湖人去龜堂遠  
好把詩篇繼兩翁

校書曾記譜離詞錦里風光異昔時覓取鸞牋剛十樣  
青衣江上寫新詩

好為相如訪舊居當年庸保事何如十千自買鄆筒酒  
爛醉荒山讀子虛

尚有雄邊舊設關層巖蒼翠矗雲間定知官閣清閒日  
樓邨詩集卷三 麓集

獨對城頭瓦屋山雄邊關瓦屋  
山皆在榮經

山縣韶華歷歲時娑羅處處好花枝川西却得江南憶  
風雨青林叫子規榮經多  
娑羅花

半年同躡帝京塵韓孟城南向有神賦得邛崃山色好  
詩成應憶和歌人

七夕有懷和唐人韻

絡角明河暮色秋開襟何處漢家樓漫迴綵縷縈金鈿  
虛傍流蘇挂玉鉤烏鵲荒唐勞禿髮黃姑依約認牽牛  
涼飈乍起清商奏迢遞墉宮憶勝遊

飲喬介夫寓齋和答劉鹿沙二首

飲徒索寞思無端陌上相逢卸馬鞍秋到共憐花事好

愁來還仗酒杯寬墨雲千疊零今雨紅蠟三條照古歡  
坐聽西城鳴畫角當檐北斗已闌干

肯讓襄陽白接巖峻憎高氣與雲齊鄉關心事原漁舍  
帝里風光在馬蹄半月苦教人閉戶九衢都似水平隄  
他時倘許銀鞍借爛醉還衝二尺泥

蕉塢秋夜同馮文子張無競喬介夫小集酒中

輒有鄉思用坡公岐亭詩韻各賦一首余續得

二首

蕉塢介夫寓齋

蕉塢蕭騷只閉門獨留殘甕待樓邨客來喜展新詩卷  
衣上從添舊酒痕小榭涼蟾纔半墮前宵襍被尚餘溫  
天涯兄弟連牀好却恐鄉關攪夢魂

樓邨詩集卷三

龍聲集

六

冷葉殘枝護小門略如江國荻花邨因風碧樹多傳響  
絡角銀河已沒痕燭跋尚爭隱語覆酒寒頻倩小童溫  
攬衣起舞瞻清夜膈膊三號惱客魂

變衰草木憶柴門蟹榘魚樁柳外邨滿地荆榛明野燒  
一天風雨上潮痕壯心半折生涯拙瘦骨真憐婦子溫  
千里共看明月好夢回酒醒倍消魂

秋夜繙書見喬疑菴惠札慨焉有懷却寄一首

秋宵初永墮燈煤宣武城頭畫角催鄉邑半年惟夢到  
故人兩度有書來大都歲月憑詩筆乍可心情泥酒杯  
早晚涼風天末起江湖鴻鴈重低徊

疑菴新闢小齋書來索詩

疏窗曲閣定何如位置依稀入畫圖憶得多情扶老杖  
別來無恙合歡爐疑菴著一枝甚古常以自持  
几上多佳爐尤愛合歡小製卷中過  
日詩堪把甕底澆愁酒免沾半瓣名香一簾月碧天秋  
影對虛無

岫裏孤雲原不出天邊倦翼未知還何時白石青泉地  
著我書籤茗椀間當砌雨澆花暮崖掠檐風送鳥綿蠻  
淮南本是神仙宅飛夢時時到小山

重九前一日看菊次熊大司空韻呈吉水李公  
滿城風雨日特為看花來曉市論錢買寒香帶露裁平  
弦纔墮月隔日早傳杯醉到茱萸會憑高未擬回

蕭颯空天裏登臨興已賒便招抽簡客原有報秋花菊名

樓耶詩集卷三 龍聲集

七

有報重陽計日青楓老隨陽白雁斜莫驚時節換行樂卽爲  
家

重九日次熊大司空韻呈李公

勝日登臺好煙光俯一溪花糕邨店曉紅紙小藩齊北  
道逢佳節東籬憶舊栖忘言陶令意何必問鴻泥  
早霜纔到地晚菊亦升堂自古憐香草于今媚夕陽佩  
囊風俗舊脫帽嘯歌狂放眼從何處摩天萬仞岡

題李松嵐小像

到耳清名已十春相逢一笑在埃塵披圖面目吾能識  
散髮箕踞獨往人

那更殘書攪倦眸等閒心跡付漁舟湖天何處垂竿好



淺水蘆花一燈秋

菊花次馮文子韻

蕭騷不奈九秋天種菊心情亦偶然小圃欲舒羈客眼  
寒香恰下市兒肩清疎枝畔迎秋月依約籬邊憶去年  
且喜異鄉風物好冶黃淡紫自芳妍

別院煙霏接混茫參差窗戶有花光留將細蕊迎秋氣  
讓盡羣葩占晚香裹葉青蟲休更妬入叢寒蝶不成狂  
一餐楚客非容易長雨闌風已備嘗

是歲十月劉雨峰駕部暨其長公鹿沙先後初  
度鹿沙自為覃字韻長歌索和時劉後齋都諫  
暨馮文子殷桐高皆有作來促予詩因疊韻為

樓邨詩集卷三

龍年集

八

贈

公等勁敵疊韻三而我嘿然中心慙自顧老大髮種種  
詎同年少青鬢髮一舌漫笑張子在七事難強嵇生堪  
狂來牛弩揮幾弓酒中鯨吸傾千僮東城何人最好客  
路指海岱停羸驂樹飛夜雪正凝白天放朝霽如拖藍  
君材有似出林木檟梧梗梓杉楠憐子癡客留王湛  
愛君名士同劉惔閒齋烏几塵不浣青氊四角垂毳毳  
新詩一帙快傾瀉春空藹藹浮煙嵐豈但會昌窮處士  
苦吟短什栖雲菴當年白田恣唱和韻拈覃字相伍參  
向有白田唱和誰騁偏師破堅陣龍文百斛君能擔京  
集悉用覃字韻

華旅食亦已久儒冠何日叨朝簪埽門温卷不得意候

蟲時鳥同詬誦筑聲倚歌闌燕市決背岸幘何耽耽城  
南聯句筆齊落

余與兩峰父子  
有看菊聯句

有如食葉叢春蠶割截

上腴錯珍怪尋常不肯羅餅餠三江五湖大國楚曹鄣  
亦復收子男羨君父子詩酒樂虎頭噉蔗方餘廿一月  
數逢初度日客中寧謂非美談坐繞梅花浮竹葉盤剥  
白筍分紅柑但使憎騰共一醉小山且莫思淮南

醉中放歌再疊前韻簡劉雨峰駕部劉後齋都

諫

一歲已過四之三緇塵鹿鹿徒懷慚朝來攬鏡自歎息  
霜雪忽已侵鬢髮叩門拙詞陶元亮盲人騎馬殷仲堪  
賣琴詎復一錢直嗜酒何處雙巒僮羊裘偪寒讓狐貉

樓郵詩集卷三

龍吟集

九

驢背出戶羞駢驂放眼敢同阮籍白覲面怕逢盧杞藍  
鄧林陸海雜蒼蔚工度槲棘揮梗楠越陌度阡嗟契闊  
明明如月憂如惓憶得早春二三月天街柳碧絲毯毯  
曉辭太學北城雨暮歸空館西山嵐只似打包作行脚  
燈昏月墮關茆菴寓公注易探河洛

謂侍讀  
喬公

平傾消息

時相參山陽笛聲忽散去羈愁萬斛身孤擔幸有黃門  
及司馬劉氏多才占朋簪疊韻搜奇日有富繁余擁鼻  
方誦誦杜陵昌黎不可作苦思硬語心所耽盤空乍如  
韞脫鶻抽緒復作絲營蠶荔枝江珧有風味椎牛更欲  
雄飲燄人生所貴逞胸臆蟲魚細碎非奇男酒酣歌發  
忘客旅茶苦寧不如薺甘驅蛋那須倚捷足昭聾且自

憑高談凍井多時笑半李春梓何日傳雙柑側耳東風  
裂水腹蒲帆一葉南山南

讀家霜泉叔墓誌有感卽贈崑繩弟

牲石初封雪窖新墓門應識宋遺民生前泪咽精魂苦  
死後書傳舊事真此日長編無定論當年亡國果何人

篇詳載墓誌

吾弟嶙峋久絕倫隻身扶匱自酸辛顯親自得文章力  
營葬相憐磊落人度可萬家開隧道捧將一積返天津  
旁人莫作尋常看籀字精金兩世真

李蒼存後圃講堂歌

樓郵詩集卷三 龍龕集

十

呆君手持紙一幅蒼存自號呆君屬余爲作講堂詩朝昏鹿鹿  
苦未暇已過兩月遭君嗤講堂迢遙在何許依約結構  
洪湖湄君言此地足幽勝琅玕環舍花園籬園中攬擷  
安仁賦池上布置香山詞余方漫浪困羈旅未得一至  
相攀追譬如目不睹山水丹青欲繪無由施嗟哉呆君  
與余蹤跡略相似青衫破帽非時宜搢頤西山自飛動  
騎驢東道空倭遲買酒三斗濯兩足囊琴市上將何爲  
不如歸臥講堂裏坐招煙景浮芳卮過眼久已讓一輩  
結念詎必爲人知帝城十月氣凜冽敝裘不敵霜風欺  
地爐著火展襪被夢繞淮南叢桂枝吾廬與君帶水隔  
菰蘆日月同襟期何時打槳渡湖來相訪登斯堂也更

爲君賦之

冬暖

書閣簾幃朔吹時  
曉看青霽日初移  
層冰欲釋汀邊草  
殘雪方融竹裏枝  
乍可近窗人搨墨  
不勞呵手客彈碁  
葭飛六管春將入  
付與山梅岸柳知

送顧書宣太史假歸兼訊史蕉飲太史卽用其  
集中倡和詩韻

落落名士空山僧  
俯睨濁俗紛蚊蠅  
而此眼如針孔者  
見不類已心所憎  
今之名士其有幾  
我識君面前年曾  
鄧林陸海鉅材藪  
卓犖大斲操鈎繩  
蕪城千年菴煙月  
寂寞誰與同聲應  
天下健者稱史子  
霜霄颯颯盤蒼鷹

樓邨詩集卷三

龍吟集

十一

大橋市上歌相屬  
雙峰屹立爭峻嶒  
卯辰之歲有先達  
飛鏢籜影高雲乘  
別館華蟲好文采  
醉眼問天方瞢瞢  
去年秋風一戰霸  
今年早蹋頭龍登  
射策天門聞天語  
玉皇仙吏良足矜  
回頭碌碌視餘子  
一時洗眼羣嗟稱  
詎知敏中耐官職  
舊時意氣無添增  
繫余控地類鷓鴣  
翹首不逮摩天鵬  
憂如澣衣坐空館  
差池短翼慚騫騰  
把君雄雉詩過日  
詞華哲匠非余能  
黃門寓齋文字飲  
相逢一笑傾千升  
君今暫歸鳳離閣  
我方久客魚粘罾  
篝火只可恣夜睡  
闔扉已復忘晨興  
天邊忽傳佛屋句  
蕉飲瘴後有佛屋詩十二  
絕句自號前休居士  
舌橋語硬清水稜  
從頭細讀一  
且再暗風窗罅  
搖殘燈豈其示疾  
果大悟平生  
詎宕今

知憊淮南薊北二千里  
堵頭極睇雲層層  
朝來送別兼憶舊  
微雪乍霽寒空澄  
驟網結束候早發  
日摧鞭影纔東昇  
我病畏寒闕祖道  
擁被作歌頭  
鬚髯居士未來君  
正去長安索莫誰  
文朋到家倡酬鐫  
新咏却寄不用煩  
鈔謄

賦得臘近已含春

歲晚驚看節候新  
元枵取次動星辰  
天迎臘日千山雪  
路入寒林一綫春  
岸脚欲蘇沾凍草  
市頭早見賣花人  
年華荏苒鄉關隔  
又對東風旅客身

樓邨詩集卷三

樓邨詩集卷三

龍華集

十一

五華台...  
故人...  
九...  
樓邨...  
樓邨...  
樓邨...

樓邨

五去...  
東...  
...  
...  
...

樓邨詩集卷四

寶應 王式丹 方若

龍竿集 乙亥

蹋燈詞十二首

九衢眼底不分明煙海層霄爇火城昨夜陸離靈佑市  
繁星墮地月中行

鈕米諸家色色奇水光霞影總迷離石湖詩句憑誰見  
此夕千枝與萬枝

傳來曼衍魚龍戲况是昇平大賜酺見說絳霄風景別  
兩都賦裏却應無

挂定高檐一桁光豪家別館綺筵張新翻小樂聲聲慢

樓邨詩集卷四

龍竿集

風落山棚絃管香

羹沸天街歌吹海俄驚煙霧屢樓開刹那幻怪休論價  
十戶中人賦作灰

雕鶻盤袍帶鈿勻旋攔短後騁飛塵誰家油壁驚驕馬  
一種奢雲豔兩人

寶袜金翹刺眼新野花山葉也迎人九光自照靈香伴  
不遣銖衣犯麴塵

轟騰小隊少年狂伐鼓縱金勢莫當博得兒童齋拍手  
賸拋心力蹋搖孃

何來蹀國擁蠻裝粉墨衣冠列炬光莫怪相逢多假面  
如今傀儡是專場

已過耗磨日傳杯買夜爲歡亦快哉未怕南臺驄馬近  
更看北海酒龍來

帝京景物曾傳說佳節於今兩度諳醉裏忽驚身是客  
蹋歌徒侶半江南

風光準擬屬誰家竿木逢場底有涯座上崔蘇多絕調  
那須重唱落梅花

上元前一日吉水李公寓齋觀燈讌集以東坡  
上元詩句嘉辰可屈指樂事相繼武爲韻得相

字

何處娛今夕師門履滿堂綺筵燒蠟晚碧甕拆泥香錯  
落燈連棟分明水一行當中珠樹轉繞側火城張星斗

樓邨詩集卷四

龍字集

二

何繁密雲霞倏混茫鏤絲蟠錦地剪綵簇金相舞徧青  
鸚鵡飛迴白鳳皇穀文鋪帖妥寶扣吐晶芒繪筆巖林  
譜颺輪獵騎場鈕家新式樣米氏舊珍藏不夜方爲國  
尋歡自有鄉承恩容佚過入坐得飛揚戰拇分曹勁鬪  
拳隔座忙酒痕衫袖擁燭泪帽簷當縱橫騰婪尾憑陵  
倒渴羌崇宣情總愜沉瀆意何長卷慢花如海開軒月  
過牆席移寬鞦韆興發起縹緗高唱傳新句分題屬報  
章三更壺促漏十韻錦成囊奇字真多忝卮言或未妨  
臨風生逸吹捧袂挹春陽履鳥凌霄漢珠璣動燁煌昇  
平原際會時節况輝光天上聞仙管雲邊泛羽觴駢羅  
爭琬琰揚簸媿稭糠酒國輪困在騷壇學殖荒漫賡坡

老句願恕次公狂讎集時堪紀羈栖跡自傷嘉辰逢此地吟罷倍難忘

十六夜劉雨峰駕部招飲次韻

明燈燦若星圓月當檐大中筵發興新按曲方入破輪  
困鯨吸川歛忽瓶已臥玉蚪促三更揮杯猶堅坐衫袖  
滿酒痕顛狂冠幘墮遊人尚轟騰螳陣門前過里謠及  
邨謳金鼓聲相佐主人亦高歌爾歌吾能和馱馱困鹽  
車脫轡真可賀飛揚跋扈妄詎為一官挫

雨峰困于監倉歲杪謝事

是夕自歌其詩云平生跋扈飛揚意銷盡監倉一歲中

春雪歌呈大司成溘陽張公

春風已釋緣河水千林柯葉銷霜稜東皇似惜早漏洩

樓邨詩集卷四

龍聲集

三

迎晨作雪陰雲層嚴威乍疑轉四九梅花欲折愁凌兢  
霏微所恨不到地沾衣濕樹寒難凝人言正月見三白  
陰陽吐納秋禾登勾芒有意報年穀迴駕且復煩阿滕  
柳眉局縮青未吐何來飛絮鋪溝塍長安客子裘敝盡  
催暖早望東陽昇懊惱春光被邀勒一雪再雪相因仍  
忍寒覽勝有奇癖且覓高處支枯藤緩吟嬉春詩一弓  
急斟對雪酒千升縹緲何處好樓榭美人天際闌干凭  
瓊瑤盈把欲持贈冰壺皓月光澄澄明朝雪霽春又動  
舉頭東望思憎騰

春晚雨夕限韻三首

已交淺夏似深秋狼藉風光一雨收越燕梁間寒對語



海棠枝上晚禁愁，話殘酒殘，更將徹夢繞鄉關。滴未休，莫向來朝窮遠目，斷腸芳草近高樓。

乍辭故國年經兩，又餞流光月過三。風急枉教傳鳥喙，雨零爭忍妒花慙。有人乘夜燒高燭，無地尋春上小籃。絕憶一畦紅濕處，落霞成片在江南。

故人相對正瀟瀟，不能寒燈夜屢挑。似我顛狂真自笑，與君瀟落總無憀。悔教擊筑頻過市，羞說乘車更度橋。起舞荒雞天黯澹，墨雲何日捲層霄。

慈仁松下歌贈家礪山

城西雲氣盤蒼龍，慈仁寺裏千丈松。霜皮黛色幾百歲，不與羣卉爭華穠。有客揚州騎鶴至，摩挲老幹經春冬。三間精舍埽塵翳，軒窗羃歷青霞封。圖書萬帙插修架，古香觸手羅清供。行厨往往出珍饌，淹留佳客傾千鍾。興酣捉筆覓詩句，瀉水直注波搖溶。一官需次亦已久，捷足先鞭如螳蜂。閒心暇日自愉樂，巡檐花草披蒙茸。我來撫松並訪舊，相視一笑開心胸。縱酒酣嬉當白日，何須戚戚歌無怵。大材定須為世用，嗟余瓠落無所容。有日送君專城去，重來松下誰與從。

昭王試駿圖

一抹雲煙闢廣場，青絲飛鞚向蒼蒼。但教得被君王顧，不用哀鳴老驕驢。

國恥輪囷恨未伸，須憑深穩籬飛塵。當年若惜千金價，

那得觀津姓樂人

浮雲秋草變荒涼  
碣石遺宮幾夕陽  
不少追風渥洼種  
如今卓櫃在東墻

豐臺訪花四首疊殷桐高韻

桃葉成帷柳墮綿  
綿城南閒訪種花田  
千枝紅靨如相識  
一笑明珠值幾錢  
濯錦乍經微雨多  
吹香不斷軟風天  
渾疑七十鴛鴦列  
燕瘦環肥總並肩

野芳顏色徧蘧籜  
却為傾城恨有餘  
花事遨頭都過後  
春情婪尾未開初  
譜傳劉孔名皆好  
幘展熙筌畫不如  
付與畦丁作生計  
駢枝攔束比園蔬

銀牀綆轉灌花瓶  
萬朵中間著小亭  
澹白一羣剛半破

樓郵詩集卷四

龍字集

五

嬌紅幾點恰先零  
仙源路隔人難入  
老圃煙籠戶不扃  
暫憩籃舁叢蔚處  
一杯春茗坐東丁

冉冉流光萬綠肥  
野風殘日弄煙霏  
無膠客裏逢芳徑  
頻歲花時減帶圍  
卽目迷離三里霧  
尋仙悵望五銖衣  
尚餘縹緲天香在  
莫似唐昌跡已稀

賞花四首再疊前韻

衣拂輕風妥薄綿  
遠尋章曲到山田  
一雙紫燕探花使  
三百青銅取酒錢  
豔色籠煙還借日  
濃香漲野欲侵天  
顛狂近日渾無賴  
覓得南鄰笑拍肩

俗紫凡紅非比似  
繁枝嫩蕊自留餘  
鋪張煙景原無盡  
顧慕芳華各有初  
綵鳳飛翻秦弄玉  
黛眉融冶蜀相如

誰教見慣渾閒事歲歲蒔花當剪蔬  
綺縠交疏煖玉瓶風流占斷百花亭魏姚自合憐同調  
桃李還應媿早零醜面雲英如可掇駐顏仙笈不曾高  
招邀便擬來三素呵護懸知付六丁

五陵佳日逞堅肥正及花林宿霧霏寶地渾教金作埒  
幔亭真見錦成圍乍飄細雨迷谿路恰送飛香染客衣  
料理詩逋兼酒債眼看綠暗與紅稀

惜花四首三疊前韻

將離縈恨自綿綿記得天韶覆野田香霧迎人沾短袂  
薰風隨馬動連錢開齊穠蕊千弓地落盡紅茵四月天  
不及黃蜂與紫蝶粘枝猶趁賣花肩

樓郵詩集卷四

龍集

六

往事低徊曾爛熳新愁黯澹只零餘那堪逝水流雲後  
更憶輕顰淺笑初金縷妝成人宛在山香舞罷意何如  
請看白白朱朱地旋刷方枰種野蔬

折得殘枝占小瓶露凝穠豔自亭亭邀儂破睡宵相語  
憐爾含姿晚未零取水軍持煩屢換鎖香了鳥任常扁  
惜花尚及花時節轉眼朱明斗指丁  
燕麥齊腰梅子肥判花惆悵晚霏霏陽關抵死歌三疊  
金谷回頭翠一圍滴泪添痕宵燭跋織愁成段雨絲衣  
年時多少銷魂地怨斷芳郊屐齒稀

陳孝廉廬墓詩

孝廉諱哲字幾先世居桐汭官睡寧學博

古人敦百行大節曰惟孝元氣凝本根華葉生榮耀我

我藕塘山白雲封窗窳老楸咽哀音猛獸慘不嘯

山多虎咆

吟震動孝廉廬墓後徙去

借問此何所倚廬結幽峭蒿蔚血已枯偉

元影自弔世道淪江河以茲勵風教况乃富文采睢水奉先覺惇實而孖華士林當視倣直木無斜枝清源無濁淖孝德啓後人傳經儼克肖

### 鐵脚道人詩

雪沒山尖插雙脚一掬寒香沁巖罅閒披沆瀣誦南華獨倚煙嵐招白鶴祝融之峰何崔巍盪胸雲海紅輪開道人一笑凌雲去惟有霜風吹老梅

### 送房野君之任萬縣次劉後齋都諫韻

古詩錄別何情深詩曰與子同一身所嗟須臾欲離別

樓郵詩集卷四

龍年集

七

南垂北際分兩人自到長安多結友開心寫意蠲畦畛瓌詭焜耀不足羨不雕不鑿吾所珍先後會合得數子野君於中稱最淳例以需次謁吏部襍被來自珠湖濱愛酒與余作酒伴揮觴何啻千百巡任情亦不廢謔浪高氣還復森嶙峋一朝授官得萬縣人稀地瘠羣評論余謂野君君勿憂丈夫卓犖羞錢神便籊雲煙日千里詎攫裏蹠金萬斤試披除目細指數冀豫閩越燕齊秦不作循良報天子但取脂髓搜吾民饕貪縱可致大位蠅營毋乃非良臣野君野君重自愛風期落落原清貧一登仕版受邑篆譬如日出纔向晨又如魚龍初得水馴致江湖鬻鬣伸道州循吏有元結陳述民隱詞酸辛

杜陵野老為贊歎萬物吐氣迴陽春百里生靈付掌握  
惻隱得不開同仁嬰兒呪嘔賴父母如指聽臂牙依脣  
剪其蝨賊薶厥莠藉以衽席加以茵况復此邦天下險  
叢巒複峽排魚鱗獻忠子遺譚弘亂瘡痍撫恤煩紫  
宸聖人御宇不遺遠中土邊徼須齊均野君此去作良  
牧兒童父老瞻蹄輪十二巫山絕濫灑高桅百丈緣前  
津平生愛觀龔黃傳到縣便可規經綸都歷峰前民俗  
樸卧治不須官吏嗔政成上考奏北關一篇諭蜀供  
諏詢官家事了恣嘯咏看山拄笏無纖塵岑巖當戶擅  
幽勝松篁撲翠藤蘿新計君入境已寒色玉衡孟冬經  
幾旬蜀道咏懷多古跡郭筒丙穴皆比鄰峨眉山月潮

樓邨詩集卷四

龍吟集

八

遙吹岷江千折環城闔蠶叢魚鳧披圖記茲行一一尋  
其真船窗洞啓罕長物滿裝書卷如倉困遠循夔府迎  
落日京華北斗誰當親卽今將離欲折贈把臂莫更孤  
芳辰細雨宵來滴春醪曉看小汉清粼粼惆悵渭城一  
曲罷深杯百罰休辭頻

蝶戀落花圖

早是春殘夏淺時嫣紅顏色乍辭枝草根零亂無人管  
只有風前一蝶知  
香夢驚迴碧四圍樹頭樹底悵春歸為憐塵土汙顏色  
不忍凌空惜粉衣

喬侍讀表叔暨楮堂表弟葬有日矣撫今追昔

法然有作卽寄無功介夫

白日沉西山酸風咽廣陌步出斜街東東有寓公宅去年一庭花嫣紅間香白今年及花時風景忽已易翻蓬不繫帶奔車無停輓變幻如須臾撫今而悲昔誰者悲最深書堂舊賓客

猛虎負嵎怒誰前埒其鬚當衢有巨蟒見者蹶而趨丈夫厲風節鴻毛七尺軀對仗屹山岳敵詞關枝梧至今江淮間謳頌聲載塗福物乃自禍人或嗤狂愚嗟彼蠓與蚋所見徒區區

古者重實學今者崇浮名儒林與文苑乃至分北去聲行

鴻濛啓朕兆奇偶苞元精堂堂四聖人寶道日月明後

樓邨詩集卷四

龍聲集

九

來賤注家軌轍紛難并先生哀羣言鑑空衡以平斟酌洛閩理脗合周孔情平生富文藻本重末則輕微言兼大義詎恨書未成少孫吾何敢念之涕縱橫繫辭注未竣遺命見

委

世人一何愚作僞墮諸苦先生乃大智善爲樂之府廣厦所庇覆惠風所溫煦名德彥方尊高義魯連取湯湯東城水畫橈憂柔櫓十畝芙蓉花的皜霞橫浦曉山翠娟娟雜英互媚嫵暇卽攜朋好笙歌按一部午橋與輞川疇云今非古皇天斂斯人殄瘁悲吾土鸞翻一以鍛

鳴臬叫其伍車子戕遊麟怪風走獬廡儲得一斛泪迸落爲楮堂楮堂今何之絕命詞哀傷殷

勤念故人死生不相忘

絕命三詩首章見及

去年夏六月聞訃天

一方其父方覲疾其弟親藥湯其兄撫含斂飛書報倉皇其母腸斷絕哀哀慘失明其子纔總角其婦稱嫠孀清詩收殘帙妙墨韜寶光精誦觸鬼忌元氣散莽蒼轉眼今年秋響象空茫茫其葬將有日隨父歸北邙其友滯長安聞之泪浪浪是父與是子相繼乃溘亡黃塵暗西城落月思舊鄉樂樂兩棘人與我同摧藏遲歸闕視空掬泪書五章

喬疑菴以詩見寄次韻奉酬四首

緘札殷勤諷數過更披佳句似陰何故人雖老筆逾健客子不歸愁幾多漢落行藏都夢囈峻嶒面目自山阿

樓邨詩集卷四

龍吟集

十

茶煙禪榻維摩室行脚何時共放歌

書堂久已闕經過石徑花關近若何六扇油牕清供好四圍堊壁小詩多傳之畫燈真堪翫題以仙都定不阿跋馬黃埃望雲表燕山楚水一悲歌

西城寓宅幾番過

謂侍讀公

不奈車中腹痛何世事幻如蒼

狗變人情險較訓狐多陽關有客悲絃管

查夏重近作

六郎詩云曾

聽陽關

畫舫經年冷澗阿最憶仲容時接坐酒壚何處

不哀歌

疑菴為侍讀公姪

悔煞京華襍被過可能沈約最憐何裨熊拉虎麤豪在擗脯彈箏感槩多夜雨壁燈驚旅枕秋風巖桂想崇阿便應拊當登樓賦來和東籬對酒歌

題殷彥來詩卷後

記得蓉江寺裏時九年蹤跡各支離  
泥塗莫抱窮烏恨新見芙蓉霧夕詩

名成却喜逢玄晏賦就還應得武陵  
洄溯波瀾知莫二用少陵語詞華哲匠更誰能

呈德州田公

正聲一寥闊咋喞紛相重鳴秦中岳  
靡靡淮水鐘南轅與北轍互詆同聚訟  
不窺玄微理犄軋空橫縱夫子振大雅  
鏗鏘金鏞三唐逮兩宋奧突披塵封譬如叅  
上乘曹濟歸一宗妙音十八冊萬象瑩陶鎔  
闡論發精詣學子開淺胸接武堂上下小叩方從容

樓邨詩集卷四

聲集

二

鳳皇絢五采焜耀在天際天下仰其儀  
雲月光開霽往者江之南文瀾駕津逮  
高唱迦陵音響應兼巨細拚飛維鷺鳩  
刷羽羽喜附麗迢迢銅鼓峰荒陬箐翳  
德輝所照臨與之剷妖沴還依紫微垣  
貫索理寃滯桑椹鴉翩翩獻囚頌不替  
由來阿閣巢叶瑞當平世陸海蔚杞梓  
中林盛蘭蕙卑栖思一鳴層霄正凝睇

長安塵若雲廣術交奔車冠蓋錯相望  
誰者閉門居爽鳩公事了偃仰牀上書  
書田富廩庾猶不停薊鋤有時開西軒  
及門羣相於首測蘊奇字載酒來前除  
晴烟冒檐雷微風吹碧虛堂上山丹花  
顏色如霞裾捧卮肅酬酢夕照明綺疏  
清襟暢閱辯大文天地舒玉篴啓扃鏞



碧海騰鯨魚平生苦垢癢一一逢爬梳精理在談笑世俗安能如忝竊隨春韞良會歡有餘

送張無競歸里

積雨淹陰雲明鑑照良夜有客將言歸離筵對杯斝我有泪千升逢人制不下斗聞驪駒歌湧若秋濤瀉迴腸轉縲車纏結何時卸欵欵不能言去策高駕  
鴈行如兄弟雙雙同北翔雲霄結遙情差池相頡頏迎秋忽先歸孤栖愁稻梁北方有高嶺其上丹霞光崔魏羅宮闕鸞鶴摩青蒼雖有凌風翮無由至其旁不如相從去江湖秋水長

君有六旬母書來促君歸捧書心惻惻恨不八翼飛瘦

樓邨詩集卷

龍吟集

十一

妻抱宿疾兒女遙依依人生孰無情詎必慕輕肥囑園  
早秋色灌木延朝暉埽君黃花徑啓君白板扉讀書飲美酒所喜親庭闈東郊省丘墓老松森幾圍風疎雲上堂陰翳青成幃溪邊延客至夕照方熹微回頭論往事一笑誰是非

無競所居小齋名囑園先外父墓側饗堂侍讀喬公題曰風疎雲上之堂

樓指記來日送君淮之洲蹉跎復蹉跎忽作三年留正賴賢主人相好無相尤綠蟻晚酌紅鶴曉未收奇字共點對新詩互雕鏤暇時縱遊屐景物憑冥搜結友雖不多激昂逢勝流過從動浹日談笑飛觥籌曹剛彈薄媚寧似此樂否此樂亦何極聊用祛客愁石闕生口中不語銜百憂飛龍落藥店革帶憐隱侯朝嘯而夕歌摩

掌視刀頭

日出東南隅青青梧桐樹上有雙鳴鳥啾啾共朝暮其  
雄乍分飛一步一回顧其雌聲啁啾諸雛相依附遙望  
冀北雲有懷不能訴長安九衢塵滿眼走如鶩戢翼投  
空林那復羨雕笄自鳴亦自己忍飢惜毛羽低徊思舊  
巢此行毋乃誤側見青鸞飛刷翅楚天路屬爾到故園  
枝柯煩將護三復河梁篇心期結幽素竹粒垂秋邨與  
爾尋良晤

石芝菴同人小集限韻二首

曲宴僧廬亦勝遊飛騰飲伴錯觥籌三更燭炮銅壺急  
一雨雲殘碧漢流眼底風光供放蕩年來蹤跡任沉浮  
諸君清興吾能共淡日還應釀杖頭

樓邨詩集卷四

龍翠集

十三

隔巷無愁跋馬遙酒痕衫袖軟風飄但教伶藉爲兄弟  
那向韓蘇競海潮坐中讀雲澳  
平山近文劇醉都忘山月墮欲歌  
生怕客魂銷蒼茫分手今何處夢斷燈昏又一宵

再集石芝菴疊前韻二首

天涯最好是朋遊何必神仙海上籌時余  
生日京洛久拚新  
歲月高陽原擅舊風流壯心一局分邊角生計雙螯付  
拍浮我欲不狂狂轉劇休論霜雪漸盈頭

鄉關天際望迢遙懊惱靈霖日夕飄破鏡不飛燕市月  
浮槎欲下廣陵潮酒能頰面杯杯好燭亦灰心寸寸銷  
怪底相逢多感慨最難勾當是清宵

呈新城王公

泰山連梁父，嶢嶢摩青天。絕頂見海日，俯眎九點煙。天下所宗師，濟南王與田。山疆敞門庭，受經久駢肩。束髮誦漁洋，曾未執一鞭。初集逮續集，端坐時探研。大雅一以邈，僞種滋流沿。百川各異派，清濁紛鳴濺。夫子湖原本，疏淪星解泉。渟泓而莽沆，莫窮其際邊。古篇聽進退，物象共鏤鑄。獲領一語妙，便令塵情湔。九衢盛車馬，蠶螿喧闐闐。雲亭清如水，退食手一編。涼颼動繁卉，幽香展鳴絃。蘚徑履齒絕，積雨縈蝸涎。堯藩拔俗姿，入室良有年。猥以小巫說，呈之大匠前。慚無水曹句，謬荷尚書憐。彥來以豐臺拙詩十章呈公，猥蒙賞譽。淮南桂華冷，葦間自洄漩。寂寂長遭嗤，翹望雲中仙。駭鸞駕白鳳，霞裏翩翩粲。然顧我笑濁質，思飛翾名豈隨俊。及分欲依崇，宣造車無奇。轍斤削通師，傳青原及南嶽宗。印一味禪秋，官與農部奉教皆大賢。自謂遊其門，匪結市道緣。願言窺籬樊，指授披玄詮。歲寒有吟侶，隅坐同勉旃。

送田子益還德州

時以部檄就中翰之試，試事既寢，遂促裝歸里。

枉是天涯漫浪遊，却教把臂又離憂。鼠肝本自無滋味，鴻爪何能更滯留。曉霧燕臺連日暝，秋濤濟水貼天流。客程七日蒼茫裏，一闕河梁在市樓。

城郭闌風接混茫，蔽空雲影使人傷。略同忤下考功第，誰遣虛開選佛場。東北京華餘冷眼，春冬譙舍幾斜陽。

出門一笑揮鞭疾正及東籬徑未荒

李木菴先生寓齋爲小山曲池次韻奉和四首  
巖壑新從眼底收天工端欲讓人謀略開小徑三弓地  
早得橫塘一夕遊倚檻山峰青入戶穿林瀑水綠盈溝  
誰知朝罷耽幽興漱石脩然更枕流

極望渾疑野色深水亭不受市塵侵檐前時見鳥雙下  
潭底定聞龍一吟紅藥闌干晴冉冉絺衣蘿薜晚陰陰  
何來好句題佳景新向東山見碎金

特地凌空纜紫石有時拾級似登臺朝昏煙樹芳鄰合  
西北雲山畫幘開春入永嘉堂上草花飛水部閣中梅  
年時曠蕩襟情在消受風光觸眼來

樓郵詩集卷四

龍學集

五

玄暉妙語想澄江欲傍秋山棹舩雙得青蘋風滿岸  
壁來紫蟹酒浮缸苔深略約留遊屐嵐染衣裳落小窗  
勝跡那須人境外平泉清賞自無雙

自編拙集起壬申至乙亥秋得詩如千感述一  
首呈新城王公德州田公

不爲紫庭鳳節節鳴梧桐不爲蛻甲蜩清吟高樹風墻  
陰淒以切應候同秋蟲汜光一湖碧敞廬居其東鵝鷓  
雜鴈鶩蒼葭與水葦本非霄漢姿眷茲環堵宮亦未絕  
人境局縮羈樊籠于喁顧儔侶謳謠偕鼓隴敢謂花鳥  
愁徒自飢腸空出門竟誰適旅遊隨春鴻二載客京洛  
蹤跡嗟翻蓬北城雲夜紫西嶺霞朝紅驚心粟留語澌

泪將離叢豈有古錦囊得句亦滿筒感遇既械械咏懷  
終夢夢所幸遊師門文章雙鉅公冰壺對水鏡光曜開  
羣蒙并力障狂瀾旨趣將無同小言編一弓快墨懷空  
侗譬如抱宿疾尋醫逢國工不以所患呈鍼石何由攻  
洞霄煉大藥金液鎔其中倘肯授一丸疴怯神已充涼  
颺薦新爽桂露飄簾櫳登堂叩僊笈蓬心微惺忪蘇門  
聽鸞嘯弗復悲途窮

題東川丁菊田先生畫像

崖峒峙紫琅漭沉滄滄海先生鍾靈秀元精貫真宰老  
屋一短檠讀書與身等苦心抱冰雪冷眼笑傀儡坐看  
朱槿榮詎令青松改冉冉晚籬香涼颺坼蓓蕾有酒斟  
酌之軒羲了然在于今拜遺容雲英化光采湘江粟里  
間當置一座待緬邈生遐情相關乃千載

重九後二日新城王公招飲分賦二首

坐惜佳辰過師門此夕留酒杯香在人意澹于秋缺  
月銀河冷新霜紫菊稠褚公真愛客脫帽亦江州  
曾識玄亭字今聽小海音十年當一夕詩態與文心漏  
永燭花墮袂涼秋氣深因之愜幽思風物倍蕭森

淮陰劉長蘆小照

眼底緇塵畫裏刪雙清心跡付蕭閒定知散髮披襟日  
恰在清泉翠樾間柳惺曲中樞筆聽成連海上刺船還  
風流高寄誰能解原有神仙近小山

送雉皋許公詮歸里

誰遣飛輶到帝都，驚心客裏歲華徂。考功漫浪招文士，刻印荒唐罵豎儒。月宵花耐餘勝地，詩場酒國有吾徒。却憐萍聚無多日，立馬河梁不可須。玄度清才迴絕塵，瀕行五字唱歌新。厭看懷刺騎驢地，歸作登車射雉人。文史經冬真樂志，棗梨成賦可娛親。憶家我亦江南客，莫忘天涯是比鄰。

秋日彝倫堂會課呈大司成孫公

壇坫標文苑，菁英振澤宮。金鑄方大叩，冰鑑在高空。傍袞衣香落，垂雲筆陣雄。帖經新吮墨，鈐印小題紅。檐敞瞳矐日，牕虛浙瀝風。蒼寒凝古檜，波畫過賓鴻。顧景陰堪惜，抽思緒未窮。轟騰排檻馬，嘈切競秋蟲。毫恐三年禿，文慚百軸工。瓊闈寧似葦，寒帳幸依融。若木青霞上，迦陵碧靄中。堂前翹望處，露脚桂華叢。

賦得秋香動桂林

素節流商灝，中庭盼桂柯。清陰當晝合，密蕊占秋多。葉響輕颼入，香霏墜露和。都梁董鏡檻，迷迭漲簾波。斜插憐濃鬢，微飄愛淺莎。人間憐蕙蔭，天上傍姮娥。玉斧仙株在瓊鈎，曉暈過青腰。迎寶鳳，白石映金鵝。結子林疑棗，凝膏火拂蛾。卻說方索莫，吳質自婆娑。穠郁原無際，韶華近若何。月中閒地有移種，望織阿

榆耳

新城公坐中分賦

我聞種白榆歷歷在天上何從摘耳來充盤雜吳餉夫  
子琅霄姿沆瀣爲供養駢羅厭羶腥金異標遐尚致此  
自僻遠枯槁煙雨釀輪囷天花儔剪刻雲葉樣托根列  
莖荳融液異督醬蘇頌遺圖經嵇含缺名狀桑蛾與槐  
雞品第應多讓芰薑下鹽豉柔滑一盂漾直教放筯空  
飢腸太餒盍淮南有秘術辟穀毋乃誑勿用神仙方且  
變肉食相嘉筵奉良會賦物冀高唱

送五琅陶蒼柱歸里

北游特地碾輪來九陌緇塵擁未開名士例應難稱意  
世途本自不憐才曉尋花墅迷山屐夜捲銀河瀉酒盃  
一倍蕭騷又言別亂雲殘日送君回

樓郵詩集卷四

龍吟集

大

滿篋新詩玉雪光鄉心唵眺楚天長悔隨昏鴈趨雙闕  
喜領秋風到五琅埜岸定驚楊葉落故園猶及菊花香  
籬東歸去真容易賦罷登樓意渺茫

蕭尺木凌敲臺圖

新城公坐  
中分賦

高堂素壁雲氣生莽蒼一燈秋山明矗空巖葉勢千丈  
飛流樹頂如聞聲借問此景從何得凌敲臺畔青崢嶸  
大江東來抱姑孰天門竦立牛渚橫崇臺拔地接星絡  
湘雲巴雪相逢迎寄奴賣屨作天子目營八極憑江城  
燕秦電掃自豪喜三千歌舞隨霓旌至今英雄久灰滅  
漠然山高而水清鍾山有客癖樵仿坐揮墨瀟千升傾  
不爲永和繪巡幸卧遊自欲酬生平橋頭策杖者誰子

幅巾瀟灑攜秋英毋乃義熙老處士獨依松菊歌閒情  
謝宅已荒桓井廢斷碑苔蝕留空名何當整立下幽聽  
慈姥夜憂琅玕鳴我來讀書三歎息萬年之計徒屏營  
良宵對此且痛飲西風颯颯燈熒熒

出都四首

秋盡郊原霜染林蹉跎歸計到而今求名不滿先生笑  
營葬潛傷客子心一稱故衫清泪溢三年親舍白雲沉  
啼烏幾匝松楸冷目斷南天慟不禁

十丈黃塵九陌昏白衣蒼狗不堪論宮商未解鬱輪曲  
書札何勞光範門猜書烏鳶腐鼠嚇回頭鴻鴈稻粱恩  
那須更詠哀時命原自虞翻骨相屯

樓郵詩集卷四

龍牛集

九

車輪馬足厭支離刺減懷中豈合時只有寒風將素月  
無多好友與名師夜膽詩囊憑燈見秋入愁腸倩酒知  
漫對一盃懷李白曾無百韻寄微之

一擲絲鞭問榜人輕鞞雙槳去逡巡尚餘敝籠裝書本  
依舊青衫拜水神霧氣千邨迷滬縣海濤百里撼天津  
當關不用頻搜索破硯枯毫旅客身

津門

襍被蕭條出帝鄉津門兩日纜斜陽輕舟載月猶魚肉  
廝養當關似虎狼此輩普天方橫索何人籌國有封章  
孤蹤一笑蓬窗底萬斛羈愁不可量

十月十五日夜宿故城道中



罷牽百丈駐連檣天色初冬冷夜光二十四回圓月過  
一千餘里驛程長逆風偏滯思歸客促漏頻迴已斷腸  
可以鄜州兒女憶清輝香霧總淒涼

舟中夜話呈熊質均

凌兢朔吹掃寒煙霜結長空月滿川帆影盤迴千岸曲  
酒盃激灩一燈圓君禁宗慙風前浪我對素安雪後天  
倘過敝廬須一醉又頭猶有老坡錢

夜行

天邊缺月上微明客子孤舟方夜行十里五里見邨落  
三更四更聞鼓聲雞鳴犬吠破殘夢霜氣星光浮太清  
多少閉門人睡熟路旁應笑太勞生

樓邨詩集卷四

龍吟集

二十

東昌弔鐵尚書

尚書烈烈舊專城戰苦惟憑兩日爭靖難只應同老漢  
成功豈不似陽明誓心埤上高皇字飲恨門邊鐵板聲  
厲鬼定從榆木去至今箕尾認精英

南池

大河帆艦酒樓邊重訪南池意惘然呼起謫僊偕杜叟  
飄殘白露憶青氈枯荷欹澗無秋水老樹遮牆有暮煙  
任令不來許簿去斷碑零落舊詩篇

舟中與質均話舊有感偶讀熊大司空固節唱

和四詩追和其韻時十月二十五日

颯颯寒風響舵樓素心晨夕此同遊霜凋桡樹無殘葉

水咽長河只淺流歲晚漸看鄉國近舟遲應為故人留  
清樽夜夜燒紅蠟僂指登程自杪秋

捲却征衫拂輭塵相看面目喜能真誰知野岸歌呼地  
同是天涯躑躅人雲際盤鵬空自獵泥中屈蠖幾時伸  
江湖原有煙波在不及閒身理釣綸

十月惟殘五日餘都來日月付舟居士音過耳朝朝變  
水驛詢名細細書說劒心情悲磊落岸冠禮法怒麤疎  
宵來醉眼模糊甚醒酒新烹縮項魚

頻年蹤跡共君論用拙還堪吾道存下邳漫教懷孺子

淮陰何處寄王孫時舟入淮徐境已過波面二千里欲盡燈前

三四樽歌罷推篷時送日晚煙斜月下荒墩

樓郵詩集卷四 龍學集

三

### 渡河

鍾吾古驛幾經過頻歲奔騰事若何夜聽孤篷過畫鼓  
晨搖雙槳渡黃河風摧疊浪黏天遠煙暮荒林隔岸多  
忠信平生君勿畏中流鼓楫一高歌

### 黃河二首

天上搖溶一派通憑陵沙岸駕高空  
中流原不因風駛濁浪渾看捲日紅  
勉障田廬憑捷石未逢雲雨靜蛟宮  
金龍祠廟千年在漫憶玄圭繼禹功

一劃中條險自天史書決塞幾經年  
東南襟帶淮為匹秦豫源流海讓先  
九道何時歸釜鬲一隄終古費金錢  
奉公憂國憑誰問平地風濤倍惘然

樓邨詩集卷四

樓邨詩集卷四

龍吟集

三

樓邨詩集卷四



樓邨詩集卷五

寶應 王式丹 方若

龍竿集

壬申以前拙詩多不留彙其僅存者得如干首附錄為集前詩一卷

白田懷古

白田在寶應城南李太白有白田馬上聞鶯詩見寶應誌有碑記

步出城之南春水圍一莊太白聞鶯處我來思徬徨長  
安酒家客詩篇動君王如何經此地道路悠以長毋乃  
被放後裘馬縱清狂野田大隄畔蒲稗滿陂塘人家二  
三月離離間垂楊屋角挂破罾鸕鷀立魚梁當年似此  
不何處來鶯簧人生感行路况乃別帝鄉回首沉香亭  
頗黎百寶先雲花憐飛燕醉墨揮淋漓胡為人欲殺躑  
躑馬上郎鶯聲非上苑百轉媚路旁客子行未歸撫時

樓邨詩集卷五

龍竿集

一

增感傷十千買斗酒新詩灑翰香寥寥四十字庾鮑走  
且僵地固以人重不在多篇章至今訪遺蹟殘碑照斜  
陽晚風一萬樹亂雅鳴荒涼神仙不可接煙影空茫茫  
同汲公兄崑繩弟飲湖上作

無地容疎放尋幽歷遠邨提壺黃葉路敷坐碧雲根落  
日浮秋影斜煙幕水痕風塵珍此會歸棹暮天昏

秋夜

蒼茫望不極危坐掩虛襟物象兼秋靜吾心與夜深息  
機原太古破夢只空林山寺東泉近微聞清磬音

謁外父拙存先生墓同崑繩寧已作

丘隴驚心淺碧生新松初拂晚雲平寒郊舊事渾如夢

咽盡西臺野哭聲

風埃執手歎浮生回首淒迷恨未平  
突兀陰氛埋鐵血  
荒天野水各吞聲

同朱界洵張右文亦退兄遊竹林菴得寒字

勝跡行遊野興寬  
蕭蕭秋在碧琅玕  
萬竿雨洗兼天淨  
十畝風生布地寒  
布席恰承清影坐  
尋詩還傍密叢看  
斜陽莫便催人去  
北海樽中酒未殘

次韻答界洵

郊原迢遞此登臨  
搖蕩春風百感侵  
是處煙光猶在眼  
近來花鳥倍關心  
綠齊平楚晴雲合  
碧滿前溪夕照深  
惆悵天涯芳草路  
王孫寥落到如今

樓邨詩集卷五

龍字集

二

秋日過喬敷四書樓放歌

塵外巖林景色好  
步履西風向深杳  
四圍涼翠披紛紛  
小徑斜陽覆秋草  
閉戶先生寂無聲  
但聽空檐下啼鳥  
梧桐濃黛鎖高樓  
半榻圖書篆煙裊  
我來相對凭闌干  
遣得孤心入縹緲  
示我新詩秋思多  
秋雨秋風感懷抱  
廿年索寞何恩恩  
杳鑿方圓那可道  
烏鳶一嚇鷓雛飢  
落盡空山竹粒小  
周流修遠脂余車  
長嘯高秋白雲表

曙

鴻濛覆宙合昏旦  
方參差潛心念羣動  
孳孳競乘時鷄  
鳴甫賓日東辭扶  
桑枝琅玕雙闕開  
圭組何累累有客  
謁公侯躑躅苦畏  
遲笛簞詎不安高  
枕詎不怡有以驅

之去忽忽相攀追可憐曙色好乃是蠅營期長衢爭逐  
逐車馬胡奔馳寂寂幽人屋閉戶堅不闕藜牀卧且熟  
斜光照簾帷偃仰懶朝起空齋性所宜花底濕露滴林  
梢宿鳥移澄心觀物化永願謝塵縻

夜坐聞雪有念

獨坐耽寂寞短檠光青熒展書親古處頗覺心跡清深  
夜羣動息冷冷灑窗聲暫覺觸風破碎應知粘樹輕三更  
冷欲徹况乃雪向明嗟彼流離子破壁狐兔爭凝寒正  
煎迫中復萬感櫻誰爲黃竹歌方誦猛虎行顧子事一  
室念之愴中情

讀梁鶴林先生遺詩同梁不踰作

樓郵詩集卷五

龍吟集

三

霜風冷咽舊林丘槭汰驚心子夜秋四壁揮殘千古泪  
一編歌徹六年愁攝山雲暗精魂苦海溼天孤碧血流  
酌酒寒空同意氣莫將牢落向滄洲

東郊春望同崑繩張寧已內弟作

細草勾萌布地生蒼茫東入海天平日斜橫浦分溪色  
風落空林雜雨聲

題船子圖

天影俯寒溪扁舟於此止何處得禪心禪心一溪水

般陽孫公獨立蒼茫自詠詩圖

草色橫鋪接杳冥一聲嘯破晚雲青蘇門不是人間調  
可許山賈阮籍聽

般陽孫公相馬圖

君不見伏波將軍稱神武刻畫名駒碎銅鼓宣德門前  
離立時零錦千羣詎足數般陽夫子才絕倫鐵勒金鑣  
顧盼新西河茂陵各相受驪黃牝牡別有神牽來一匹  
特殊絕撫劍相看愛勇決由來物各感知已矯首長鳴  
欲千里迴看江海正烽煙願隨銜轡秋風裏

秋日病中柬朱界洵二首

萬帙殘書擁蠹魚縱橫藥裏疊交疏遙思野曠天高處  
金石歌傳揚子居

步兵狂態舊支離半月虛過對酒時稍待秋深菱蟹熟  
清颼寒月醉東籬

樓邨詩集卷五 龍聲集

四

射陽弔臧東郡長歌

驅車射水陽陵阜互亘峙歎息矚故墟邈哉漢烈士東  
郡太守標英風卓犖冠絕淮海中柱頤自仗三尺水摩  
挲顧盼惟張公漢室崩淪千里草建義同心奮天討高  
壇迸血糾羣侯后土皇天泣酸棗躊躇雁行事已虛北  
走幽燕通誓書關河阻絕失故主邂逅何來素本初四  
州專窟自狡兔勤王大義空歎歎阿瞞憑陵咽吭扼南  
望雍丘困偏側一請再請恨未伸鼠子敢爾義所斥孤  
城探甲鋒鏑裏上報天子次知已冀州作賊急合圍血  
戰城頭落日紫援絕糧空鼓無聲三軍飲泣為君死帳  
前瞋髮挫姦威徇難捐生笑談耳其時郡丞正氣俱一

日同歸義不孤却憐孔璋好才調聊城射矢徒區區由  
來丈夫重奇節披瀝心肝勒冰鐵夕陽荒隴留遺蹤浩  
氣穹蒼耿英烈纏霜老木一千年夜夜悲風嘯寒月

哭內弟張寧已

十六首  
存八

屈指君生日息息十七年只如催短夢何事負蒼天臬  
鏡期頤在鸞麟天折偏報施那可道結恨鎖重泉  
避俗同良會書堂矢素柬冰霜纏子夜海嶽際高穹襟  
抱千秋上交期兩載中寒空迴悵望慟絕向西風  
年少多才思青雲結念深搏風將浩蕩鍛羽倏銷沉靈  
跡封殘帙蛛絲絡斷琴自今長寂寞憐爾昔年心

王子亦余弟君皆事以兄

崑繩小余三歲  
長寧已五歲

三人同手足

樓邨詩集卷五

龍吟集

五

百拜結精誠獨雁今何處哀鳴並失聲坐來虛一席泪  
盡憶平生

數幅當年詠含悽誦幾回蕭騷知有托懷抱不曾開映  
月冰姿潔逢秋蕙草摧猶思歌嘯處風雨下荒臺  
未病猶過我從容竹樹前對談惟一鉢永別遂經年拂  
拭驚遺札淒涼掩舊編魂銷中夜坐惟有泪潸然

死去悲遺腹猶期似續人驚心惟一女過眼只三旬身  
後嗟何托生前忍更陳去來真幻影息促委荒塵

憶昔嚴冬日

松楸泣墓田

外父葬于  
前歲之冬

三年真轉盼兩地

付幽眠冷日東原樹酸風北郭煙可堪逢此日猶是舊  
冰天



題喬幼弘陸舫

小軒如艇子秋氣淨塵氛卷幔來黃葉開窗納白雲滄浪應有曲鷗鳥若爲羣世路風波險何曾此地聞

別青房子

百歲如須臾况乃一載間握手曾未幾忽復挂席還回首春風初相見挹古歡季夏三五夜北斗方闌干垂風弄明月徘徊思無端披衣對空碧兀坐澄內觀予言領微妙如飢乃獲餐倏忽徂孟冬判袂胡莫攀雙橈復何指長缺復誰彈丈夫意有托焉能問鼠肝把酒對朔風珍重行路難袖中五嶽在春來試展看

中秋

樓邨詩集卷五

龍筆集

六

月色明如此秋思夜若何姮娥人不見桂樹影空過露氣沾衣重蛩音傍砌多狂夫虛酒興頰仰獨婆娑天上開宮闕嗟峨定早寒萬空風澹澹仙子珮珊珊便欲乘雲去頻教倚檻看浩歌坡老曲北斗正闌干

藥房

小閣分堂北疏窗結構宜洞開雲影入堅坐樹陰移一葉米家舫三年董子帷風埃墻外路只此寄幽思桂棟兼蓀壁千秋舊信芳無人傳紉佩此地近滄浪白榻耽風雨青藥悅茗香可能忘楚詠撰轡欲高翔

白馬湖

泱泱渾無際長堤望欲迷碧垂天影合紅襯夕陽低躡

水輕舫急排空野馬齊東風吹不斷只見柳條西  
襟帶成天險渾淪慮禪可波濤通汴泗風雨挾蛟鼉水  
落津涯出天清煙靄多安瀾猶在眼疏鑿近如何

秋邨雨中六絕句

浙瀝風生吹雨斜疎疎密密傍簷叉坐銷一卷天池子  
濕徧汀南野蓼花

風緩雨稀晚刺船隔溪蘭若碧雲邊野花棚底逢僧話  
半餅龍團古佛前

秋柳蕭蕭雨浥鮮緣溪一派裏蒼煙牧童牛背歸來急  
折得垂條帶雨鞭

野暗林荒望未真高蘆搖曳遠疑入一雙野鳥衝煙出  
飛入空天過別津

樓邨詩集卷五

龍笠集

七

杭稻花齊暮雨連農人笑指綠無邊隴頭流水初添漲  
待看新苗上小船

高陽狂客舊為儔每喜連牀風雨留何必天涯纔恨別  
白蘋紅蓼近中秋

送劉西圃之西湖

去去江關外茲游興不孤一颿開曉月十日到西湖景  
物披圖記風流想白蘇但逢幽絕處莫惜數提壺

平山堂懷古四首

登樓一拜思無窮樓上奉歐陽公位欄檻依然拱萬峰幾度春  
風別楊柳于今夕照冷青松冠山梵閣題新額倚石名

泉紀舊蹤異代風流勞悵望也揀一飲醉千鍾  
廣陵佳處敞層雲天地蒼茫自古今江霧乍披山疊疊  
晚煙欲落樹陰陰鐘聲坐接諸天近礪道行穿一徑深  
林下何人供茗器清冷半勺洗煩襟  
往來代謝都如此勝跡登臨興自賒碑版幾人餘筆墨  
江關三月又煙花西園客醉移輕舫南浦歌翻落晚霞  
回首隋隄楊柳盡玉勾斜畔點歸鴉  
壁上龍蛇憶舊觀髯公不作更誰攀低徊一闋朝中措  
寂寞三春雨後山瓜步江光如湧塔石帆嵐影欲低鬟  
夕陽不盡憑高意寫得漁洋好句還

揚州樂十曲

調寄望江南

樓邨詩集卷五

龍吟集

八

揚州樂佳節正元宵千市花燈侵夜月兩城簫鼓沸春  
潮游賞徹來朝

揚州樂春色徧三山傍寺杏花游女摘沿堤楊柳醉人  
攀綵鷁不曾閒

揚州樂蹋艸是清明隴上開裊旋命酒林邊駐馬正聞  
鶯晴靄玉勾橫

揚州樂婪尾牡丹開有暇共尋沽酒地無人不爲看花  
來清吹繞亭臺

揚州樂重午鬪龍舟画鼓爭撾衝水面繡旗低颭轉船  
頭濤影廣陵浮

揚州樂銷夏看荷花十里薰風迷白舫一灣流水襯紅

霞暄晚夕陽斜

揚州樂郊豎潦秋容淡日輕煙籬落畔  
嬌紅淺碧畫圖中  
巒榭數過從

揚州樂清夜賞中秋棹度紅橋燈射岸  
觴飛金谷月當樓  
處處轉歌喉

揚州樂秋老近重陽雲擁蜀岡霜  
欲墮樹圍梅嶺葉初黃  
對酒晚籬香

揚州樂寒色滿平山檻外煙銷千嶺  
出溪頭風定一舟還  
長嘯動江關

次韻答內叔雪龕先生

層城朝旭對晴川有客來游正  
艤船篷底夢回人語沸

樓郵詩集卷五 龕集

九

廣陵濤畔柳如煙

午日榴花紅正酣堂前白髮喜清安  
猶思隔歲逢今日並坐虛檐暮雨寒

海湧峰

海湧峰旁客棹滄沾衣蒼翠上層巖  
笙歌高館人如市鐘磬荒祠月半檐  
試劒何年苔漠漠回仙有徑草纖纖  
那能索莫耽趺坐眼底西風動酒帘

登雲巖寺塔

塔勢凌空天影開振衣層級自裴回  
吳山近擁青千疊震澤遙浮碧一杯  
曉市開時羣螳動晴雲飛處斷鴻來  
憑欄脚底風聲滿汗漫何當遍九垓

記夢

織雲四卷天宇澄微明惚恍如初晨白毫光擁一片石  
現作曇摩丈六身垂鬘莊嚴鏤畫細瓔珞陸離苔繡新  
我時皈依正延佇天花散彩石佛語語罷欲去還我顧  
牟尼煜煜今付汝稽首受珠手擎花明燈寶閣寂不諱  
閣中忽逢易水君謂湯西厓對花大笑口云云髣髴杳冥此  
何處磊落天星拂香霧倏然一覺鷄三鳴不見曇摩憶  
湯生

秋日同湯西厓喬致能出游湖上西厓爲十絕

句和答

塵埃何處眼能開喜趁新晴出郭來十里秋風移艇子

樓邨詩集卷五 龍壁集

十

煙波合是小蓬萊

何處朱干舊草堂都無亭館有殘楊乞漿小向溪頭立

指點茆檐問棹郎

弄波掬水碧澄澄薄醉風前酒一升擘得芡珠香在手

旋翻荇葉摘新菱

敵人舉網出銀絲野饌羅珍下玉匙可似當年謝康樂

石華海月五言詩

湖心見說龜蒙墓湖上曾聞甫里鐘落日西風無處所

一篙秋水浸游龍

傍岸僧廬落水痕青葱籬落豆花繁茗甌啜罷還徐步

略約過來又一邨

垂楊影裏坐山亭何必逢迎論主賓金粟未殘黃菊嫩  
最佳秋色最閒人

層樓渺渺千重樹四壁蕭蕭一局棋好是龍華過小劫  
碧闌干畔日斜時

冠日輕斜片片飛蘆花蕭瑟暮煙霏津亭正愛歸來晚  
月滿船頭風滿衣

茲游疎快稱平生點綴清詞爾獨能他日扁舟還有約  
小詩聊亦記吾曾

潘今我前輩惠賜先君子哀詞奉酬一首

一經泣抱兩踰期嗔弔傷心灑泪時此日瓣香陳粃餌  
當年斗酒對江鮒共言有道碑無愧却爲安仁誅更悲

樓邨詩集卷五

龍吟集

十一

二十二年如昨夢可知生死盡交期

和東坡歲暮三首

甲子除夕

餽歲

歲晚樂幽居孤懷得所佐頗擁數卷書侈若籠百貨嚴  
颼觸窗紙雪花如掌大里巷競愴囊閉門耐僵卧晤言  
接古人尚友分半座幸免紛往來兼省聒春磨硯此弄  
寒梅茲歲便已過故人致一樽把杯自賡和

別歲

巧者亦已速拙者亦已遲來日不可料去日不可追出  
門騁遠望寥落天一涯山中蕙蘭花欲採已後時立身  
患不早豈必爲堅肥歲年弗吾與撫壯心獨悲道上逢

揶揄解嘲將何辭棄置復棄置坐見鬢毛衰

守歲

長風翔修羽高雲騰神蛇當其未適意陰埃苦蔽遮吁  
嗟歲華改忽忽將如何燭花胡太喜兒女羅謹謹引觴  
一放醉漏鼓已三撾明日春風生乙丑元  
日立春玉衡又東斜  
生年不滿百俚指畏蹉跎諒哉實分陰志士古所誇

晚至石馬廟

京口西行晚迢迢萬嶺初殘霞依絕巘暗水落高渠變  
色人談虎驚心客墮驢到來石馬廟一笑拂塵裾

句曲五馬園野酌次陳寓菴韻

野徑周迴屐齒通得錢沽酒爾能同壚邊醉客迎醒客

樓邨詩集卷五

龍聲集

十一

樹底深紅間淺紅未怕鳩聲催密雨酷憐花片颺驚風  
重來未必春光在細嗅殘香小苑東

不信仙源無路通此間點染便堪同繞枝似擘三分綠  
糝徑初飛十丈紅欲把絲牽西下日直須酒敵晚來風  
深杯百罰寧辭醉馬首明朝我欲東

贈宋奕長

風流儒雅亦吾師一瓊芳醪一首詩怪底朝來門未啓  
柔毫淡墨寫烏絲

奉和吉水李公宣城公解詩

玉蚪夜嚴更金戍朝啓鑰上客方聯牀不才幸插脚文  
章報知已謹慎非束縛平生江海心頗亦慕林壑征車

過敬亭小憩傍叢薄野雀啄短籬邨犬吠橫約但無塵  
市喧頓覺耳目廓謝公興不淺曠懷寄新作晚風撫松  
桂命酒獻復酌所願攜一囊東峰躡游屩

前韻同筆山作

霧消忽見山曠若啓扇鑰語報新晴平地下日脚羨  
彼山中人作息罕拘縛老樹圍短垣流泉響幽壑咫尺  
武陵源雜花媚林薄未許騎馬郎問津度略約我行良  
愛此心飛入寥廓詠懷得儔侶亦有偶然作相期訪山  
翁野坐互酬酢好持杖頭錢南邨買芒屨

春歸

客裏逢春又送春春光狼藉滿紅茵無端燕語頻驚睡

樓邨詩集卷五

龍壁集

三

作意楊花倍惱人架筆珊瑚晨位置浮杯琥珀晚逡巡  
閒來賸向城頭望芳艸萋萋驛路新

舟夜同宋稚恭素宗安作

百丈迢迢逐水程孤邨晚泊旅魂驚柝聲震耳眠空早  
詩句關心夢不成鉤控碧紋看月落衣披白葛喜風輕  
同人永夕高談處坐待扶桑海日生

古城

俗傳昭烈與關張結義于  
此土人廟祀名三義閣

益州熊虎舊縱橫裨史流傳認古城遺廟歲時勞祭賽  
大河波浪咽戈兵兩都北盡曹公境三峽南歸漢將營  
草草弟兄遺恨在邨翁指點說平生

六月七日泊台莊讀先君子南歸日記感賦三



首

水程曾記北來船途次披尋重泫然十六年前逢此日

臨流把筆是遺編

先君以壬子六月七日舟次白兒莊余以丁卯是日

衰翁雞肋逐京塵遠道炎蒸耐苦辛慟殺當年織悉記

恰為今日指前津

底事關情何太深南來消息費探尋

壬子夏余兄弟方應試海陵先君子

沿途覓信見于日記

可憐博得微名日多少辛勤老父心

南池納涼次少陵原韻

樹影南池近凌晨艤小船到來驚宿鳥依舊聽鳴蟬東  
縛蓬窗客清涼水國天披襟重懷古藉艸亦青氈

濟寧城上登太白酒樓次石刻黃宮詹原韻

樓郵詩集卷五

龍吟集

十四

高樓壓城凌突兀得逢酒人名並出當年醉墨寫清平  
意氣不顧多迂拂揮觴此地是何年無復長安市上眠  
任令何人解好客客醉不醒風滿天丈夫懷抱各有在  
朝市何必殊江海拾來瑤草山中春浩蕩萬里有縱鱗

生日憶母

袞袞年過四十強微名行役向他鄉老親遠夢依子季  
客子中宵坐未央碧月隔年傳賜果

去年生日母于月下賜瓜果

白

雲無計慰牽裳便教不枉今番別寸艸三春是夕陽

晚次東光縣

野泊近東光循堤入莽蒼錯居皆土室防盜宛邊墻地  
勢蟠齊趙河流合衛漳凭高一迴望睥睨隱斜陽

舟至天津

隄岸盤迴欲到天津遙挂朔雲邊南來初作弄潮客  
北去重開上水船百里夜連沙島月千邨曉接越支煙  
京華騁目無多路風送高帆日影懸

七關吏

客子治行裝行行結徒旅人言舟行好陸行費資斧五  
月南風輕鴉軋鳴雙櫓挂帆泝清淮遙指公路浦大索  
聯艤臙當關吏如虎客子笑謂吏我行非商賈吏嗔汝  
勿言稅重豈獨汝纖毫報朝廷什伯私徵估三關合一  
關名減寔倍取出門已復然前途更修阻緣河到宿遷  
岸上呼何怒但催納稅錢不審隸何部上聞復下聞迨

樓邨詩集卷五

龍聲集

五

遞歷齊魯赫赫清源關乃在汶之游督權既有官濟寧  
更開府一里輸兩稅名項繁絲縷所幸蒙豁免破書及  
敝楮關吏恣餐饗孤蓬困風雨離關向北來如魚脫網  
罟衡漳達天津苦遭三日拒橫索不敢辭如何在畿輔  
天子方聖仁萬方荷噢咻恩綸數蠲租温若母與父額  
稅曾幾何中飽難指數維茲一葉舟輸金十有五况復  
千萬艘聚斂歸何許舟師及行人一一生呪詛安得萬  
言書叩頭告黼宁清釐俾畫一關津共歌舞此志良難  
酬憂時托空語歎息謂同儕莫憚陸行苦

轉衛歌

舟至天津謂之轉衛卽事短  
述遂得五章統名曰轉衛歌

一月水程纔轉衛孤帆日落津門閉豺虎數輩橫食人

蒲葵半面都抽稅乍蒙霽怒放船行一篙兩槳早潮生  
船單追索百錢去舟子躑躅行吞聲

盲風怪雨錯昏晝長年操楫如轉鬪片帆側挂葉葉危  
孤篷僵卧牀牀漏下春微見天邊青空邨晚泊燈熒熒  
同人野語沙灘立笑指銀河箕畢星

楊邨驛前舟暫泊奴子持錢入邨落圓梨纔似小兒拳  
甜菜平欺乳羊酪午餐初罷試新茶土鐺風銚亦爲家  
一卷清詩破殘夢香送船頭水桂花

京東計日源流上此去軟塵躡十丈山川千疊擁雲霞  
宮闕九重開跌蕩頻年有夢寄長安側身還歌行路難  
城門雨濕慎插脚秋月春花莫浪看

樓邨詩集卷五

龍筆集

六

祝融避席延青女一夕西風桐葉舞北堂添衣露已涼  
小閣薦瓜日正午丈夫膂力走四方低頭豈不思故鄉  
迢迢水驛三千里秋風秋雨遙相望

呈葉已畦先生疊韻三首

家在橫山白道南幽居風味此中諳漆園寄托枝巢一  
粟里經營徑闢三隨處清吟憑鳥和有時小飲共花酣  
已知身世擠相棄

先生有二棄州堂

嶺月溪雲擁半龕

何人肄雅與歌南著論原詩夙所諳

先生有原詩二篇

叅悟只

須伸指一雕鏤真已伐毛三因風綺縠文瀾細摩壘旌  
旗筆陣酣四座勿喧雄辯發曼陀花雨落高龕

小山竊擬附淮南歲月菰蘆我自諳平子愁多聊托四

退之書上已經三無情天亦隨春老有恨人須藉酒酣  
昨夜醉醒搜數句頗同枯衲卧禪龕

呈喬侍讀表叔疊韻三首

城市氛熅隔水南塵勞眼底不須諳小橋柳外橫尋丈  
野艇人來受雨三拈韻險時還教穩敲枰勝處最宜酣  
夕陽移棹還延佇暮鼓聲聲報佛龕

碧流亭北又亭南穩護山居歲月諳莫向秦關噫唱五  
且招廬嶽笑成三甕開名酒逢春醉絃和嬌歌入夜酣  
寄興肯教虛過日閒身儘付老花龕

曲調紛紛辨北南周郎顧後自能諳拍傳散序應兼六  
疊記陽關却到三木簡荷衣原作戲候蟲時鳥並成酣

樓郵詩集卷五

龍竿集

十七

趙州一覺憑誰說好把花枝問古龕

用韻再呈葉喬兩公四首

平楚蒼然淮浦南夏雲朝夕變煙嵐梵音響處柴門在  
鶴影飛來蘚徑諳已把飄風揮世事好同舊雨接叢談  
爾來詩課催徵急倚閣高吟月滿龕

春來一逕林如薺秋到三篙水似藍排疊諸峰摹李訓  
別裁羣卉辨稽含煙霞作疾何妨猶花鳥關情亦任憨  
便學會昌方處士經年吟諷住雲菴

紅香冉冉綠氍毹蚤晚科頭上小籃分水疏花塵不到  
把詩銷日客同耽矜僑自共雄壇坵曹鄣還應附子男  
建鼓却隨旌旆後于喁酬和得相參

師道遠行守溫移岳州詩言此數佳處  
何言邪

善權舍好學深文遠  
禮堂言目地理  
曾秋舍南方草木狀

子輯即文時李姓  
賦辭事上所謂徑覺情此甚有文  
古四字云起春秋載出備皆飛遠矣

竿頭索解似瞿曇塵尾探予近李聃要令文章開境界  
不妨奇險任橫覃飛騰逐穴金眸鶻格磔聲牙瓦齧蚰  
搜向大都同噉蔗後來佳境更耽耽

簡陶文虎仍疊前韻

新從冀北返淮南月皎風淒客子諳且對山花杯一一  
還尋籬菊徑三三君真名士才逾健僕本愁人興亦酣  
稍待秋天涼夜好明燈細雨話書龕

次韻酬黃鳴六

大雅嗟淪棄今時總浪名一披懷袖向真見古人情為  
客航名勝因風念友生何當呼艇子把袂及秋晴

江光遙擁岫木葉細鳴風殘日籠危磴高雲抱短筇野

樓邨詩集卷五 龍集

七

舒雙眼白秋剩一花紅勝侶招邀好清樽得暫同

歲寒堂

淨洗秋林雨乍晴歲寒堂上酒縱橫道人不是無情緒  
愛聽西風打葉聲

正月二十日放舟

杈竿艇子當春出懷關樓邊向晚過雨後微雲難蔽月  
凍餘淺水不成波懸燈大扁鏡歌曲上聞連簾邪許歌  
我亦新年事奔走風光掠眼似揩摩

餘寒

旬餘正月寒仍在邀勒風光未作春炎背尚為迎日計  
傍船不見打漁人恒陰占國幾誰見大火侵垣驗豈真

莫把灾祥憑浪語直須貰酒煖吟身

客問

客來問我年來事口欲作答心茫然依稀老學菴中句  
菱刺磨成艾實圓

揚州郊遊大醉次日得二絕句

沿岡面郭幾園亭舫子移來歷遠汀  
怨殺東風無意緒當春不放柳條青

如此江山惱客魂壺觴狼藉醉黃昏  
朝來點檢春衫袖猶帶平樓澆酒痕

李筠岡招飲二首

步入名園石逕斜小山曲水愛清華  
盤迴一院凭高閣

樓邨詩集卷五 龍字集

九

匱匣三春見好花自捧遺編思響像  
還招旅客共煙霞酒杯碁局襟情在  
莫歎霜毛一倍加

樓臺花月擅歡場界是神仙國是香  
四面琉璃明水樹十番鼓吹合伊涼  
平泉對酒酣長夜輞口題詩和短章  
最是平生惆悵處蹋筵還發少年狂

歸舟晚泊

野馬迷濛日氣殘檣烏飛去又飛還  
春回草長水消處人在潮平岸闊間  
篋裏尋詩開倦眼燈前泥酒借驂顏  
乍停雙槳推篷坐愁見西傾月半環

述懷二首

搖搖身事苦支離過眼年華夢總疑  
驥老尚騰千里足

蠶眠自裹一窩絲漢書挂角空成癖周易攤牀直是癡  
早起裋徧清鏡裏如銀已摘數莖髭

輩流多已跣雲津依舊青袍養拙身不敢遨遊緣母病  
有時奔走爲家貧姓名赭面通生客鬚鬢驚心對故人  
躑躅道途頻騁望天涯芳草又經春

感春

猶記南都病裏身勞生無計脫緇塵名場不納蹉跎客  
田舍偏羈放浪人是處風吹花事動到來雲破月痕新  
平生清興當春好却恐今春却負春

送某孝廉歸娶

月殿初開桂葉新春風京洛沂雲津柳絲莫漫縈驕馬

樓邨詩集卷五

韓集

二

去作華陽洞裏人

流蘇香靄漲都梁却扇微窺曉鏡妝第一仙人應見許  
新憑詩句試盧郎

觀伎十絕句

雲堦月地敞玲瓏錦罽雙排蠟炬紅坐客初齊催出隊  
霓裳遙落廣寒宮

左顧鴛鴦恰一行犀帷開處繡窠香玉奴絃索花奴鼓  
並是君家記曲娘

秋夜沉沉玉漏遲當筵進進點動歌吹迴風一曲方纔了  
正是庭花翻落時

絕藝憑誰覓念奴流傳宮羽漫枝梧臨川舊譜聽曾慣

未似渠儂一索珠

蛺蝶輕羅繡舞衫金翹雙鳳壓鴉鬟迴波曲裏看垂手  
一片香雲簇小蠻

駕頭雜劇幾爭差妙伎傳來自十家香火笑看兄弟好

新籠蟬翼襯烏紗

元時女伎呼為香火兄弟

撞劍喑鳴倍有神排塲花旦一翻新宜春占絕梨園上  
破盡工夫得幾人

軟舞嬌歌定幾巡主人愛客座生春小槽倚和風流甚

壁月瑤枝夜夜新

霧閣氤氳漲麝臍梁塵欲散燭花低留髡不用頻催飲

檀板聲中醉似泥

樓邨詩集卷五

龍筆集

三

香染生綃乞小詩酒沾花壓總迷離只教惱亂蘇州去  
那得清詞付雪兒

自編遊草屬姚曉嵐點定奉東二首

三跨烏羸兩繫舟息憇煙景及春游誰憐寂寞張平子

手把瓊枝遣四愁

枝癢披來重所思

曉嵐詩彙各枝癢集

畔牢愁避市兒知故應別

具天人眼為展毫光入小詩

邨居偶成

便應無夢到明光爛誦閒居賦一章幸有甘柔供阿母  
盡拈經義付諸郎禾經花譜閒評點春雨秋晴細較量  
已分為農銷歲月尚餘惆悵是清狂



次韻贈鄒生

莫認當場鬪偃師雲堦月地恰相宜吳山一覺梅花夢  
壓盡隋宮雪滿枝  
羞學人間熱客忙書郎風味在歌場烘簾何處吹蘭氣  
一索珠中錦字香

萼綠仙宮定署名曉風殘月步虛聲七郎楊柳合搖落  
譜入清商玉笛橫

瓊樹輕颺度沈寥聲聲檀板促秋宵天涯一斛青衫泪  
更遣羈魂爲爾消

再疊前韻

曾笑琵琶弟子師豐肌未是掌中宜一從地錦看微步

樓郵詩集卷五 龍聲集

三

風颭丁香雨後枝

不共諸儂作意忙垂肩顧影自專場回波一曲方纔了

落盡銖衣鴛褥香

當年禁鬻有嘉名舊本陽關意外聲却是画工描不得  
歌殘燭樹眼波橫

選聲大雅久寥寥占斷宜春只此宵漫比紅兒吟嚮句  
十年冷眼意都消

三疊前韻

周昉曲來是俗師崔徽無復卷中宜試開粉本臨秋水  
只揀芙蓉寫一枝

朝昏別自判閒忙粉墨慵隨傀儡場獨傍花陰成小立

落紅衫袖惹微香

龜年不讓永新名紅豆淒迷引曼聲怪底畫堂歌舞罷  
雲英如綺碧天橫

久將送過付冥寥惆悵聞歌又此宵喚盡奈何聽未徹  
醉髡一石已全消

四疊前韻

天上姮娥是阿師霓裳只合廣寒宜秋來一倍腰圍減  
細雨零香泣桂枝

郭生卧病時自散桂蕊滿身因大感慟

自耽清供笑人忙一抹烏綾便擅塲小盛歌着迴舞態  
石華廣袖令君香

緩拍新翻小樂名風迴遙吹不聞聲最憐歌罷桃花扇

樓郵詩集卷五 龍筆集

三

凭徧闌干肘自橫

除却聞歌總寂寥閒情端合付良宵臂韝玉馬流蘇帳  
誰識當年髀肉消

樓郵詩集卷五

猶疑一子已全休

又得紅豔於真翠側別開燈又此宵與盡奈何聽未徹  
雲英如綺碧天橫

龜年不讓永新名紅豆淒迷引曼聲怪底畫堂歌舞罷  
雲英如綺碧天橫

樓邨詩集卷六

寶應 王式丹 方若

畢蘇集 丙子

贈別方靄臯

碧瓦浮夜光月浪散如雪與君傾一盃宵中不能別君  
從長安來落莫行蹶躡誰者障青天縱橫雲霧結斗牛  
隱不見于將氣幽咽君才渥注種九花飛電掣不值歎  
與陽短棘乃屢蹶嗟余老鴛鈍跼伏類跛鼈相逢恍以  
悲咄咄更何說滿眼紛轟騰面目羣鴛莫愛君美在中  
温粟抱光潔雖遭路鬼啗顏色無憤烈騁轡會有時胡  
為悵窮轍湧身立蒼茫堅冰饑馬蓄夢境了分明他年

樓邨詩集卷六 畢蘇集

一

見奇桀令當返石頭江風撲凜冽寒雁號汀洲凍雲冠  
截薛客路方修修蒼山莽凹凸執手訂後期鴻泥渺愁  
絕 湧身二句記  
靄臯夢中事

題花谿秋泛圖

一幀空明裏深秋感物華天心餘落葉吾意在幽花煙  
際三篙水雲邊八月查竊風何所去浩蕩渺津涯

過葦菴贈可上人

但教來淨域便喜得蕭閒況有能詩者脩然住此間雲  
花檐際落蔬筍向中刪更接華嚴侶從容話故山 天峰  
和尚

在坐談華  
山舊事

所居不數武人境夾城分榻就維摩設香披經卷熏半

灣搖柳浪一逕疊苔紋茅屋茶瓜好措筇日欲曛

李元起見示近集題贈一首

渥注有神駒籊雲日千里不受青絲羈凡鴛詎其比楸  
柟產名山峻茂鬱喂鬪儲之為棟梁斤削相料理所貴  
自珍重大器視根柢秋風過邗江桂華綻新蕊展君瓊  
瑤篇沈憂豁然喜披雲撼天河決瀉無涯涘欲為施丹  
黃僕病筆未泚曠曠思古人退之與子美光以沈乃耀  
勢以蓄而駛吮毫惜墨瀋爐冶煉渣滓如君嶽崎姿造  
之只如咫持此為贈言毋乃嗤余鄙

次韻贈音隱居士

出郭尋莽蒼山重而水複烟樹一以深烏喞春相逐先

樓邨詩集卷六

畢蘇集

二

生隱其中景物幽獨悠然有真意匪直免殆辱冠纓  
照滄浪芰荷愛初服畫橈溪之尾軟轡峰之足我來訪  
高蹤屐齒紛相屬公子雲霄人嘉賓睽叻鹿懸知太史  
占德里聚荀淑金蕤字連屏牙籤書滿屋頗聞騰一紙  
名士增誇讒豈知溯淵源家學自詒穀閉門觀古今詎  
謂暮景促渥顏如盛年矍鑠衰之六層淵抱露珠高巖  
蘊寶璞別來經數載流光倒指速佳興猶昔時繡窠香  
一簇皋蘭尚敷榮蕙晦芳相續七十二鴛鴦明珠瀉幾  
斛黃鶯簾閣前紅藥闌干曲燈紗一行水槃淚三條燭  
羯鼓花奴撾錦字雪兒讀演得香山詞旖旎雜歌哭  
是日

演長生殿傳奇即  
長恨歌中事也

古人寫性情金石及草木曾煩藉音

宣面纈憑酒沃東風破寒初長隄敞平陸梅心黃乍舒  
柳眉青尚縮岸脚生微苔草萌襪淺綠游人如堵墻喧  
厖叢萬目一騎湧飛埃雙鋒斫寒玉羽箭餓鷓鳴紅襟  
小袖禿壯哉馳驟心與世殊者欲項領羞兒童肉食鄙  
令僕抗志何當酬音隱甘跼伏南榮一畦花北阜一亭  
竹送目有高天忘言在空谷猶記亥之冬于焉耽信宿  
頗異區中緣喜無眼邊俗率爾賡舊篇聊當捧卮祝

偶憩茅菴值微雲弄陰欣然有作

輕陰來佛屋癡坐傍方塘四五點飄雨兩三僧納涼墻  
根垂墨記土罇出顛當最喜稀人跡莓苔細路香

題宋孝思棹秋圖小照

樓郎詩集卷六 畢蘇集

三

不向樓頭鬪麗娟離塵標格自儵然一從寫就梅花賦  
更誦南華秋水篇

葭蘆一抹受風斜點破蒼煙盪小槎寄語問津人會否  
武陵何必覓桃花

東軒歌為韓醉白作

去歲別君燕市雨今歲訪君蕪城秋不到東軒逾四載  
相逢一笑成淹留寒暄甫畢問近狀重君意氣高雲浮  
君才何啻較十倍平生惆悵經百憂憶昔呱呱纔墮地  
江關流血腥邗溝黑雲如盤覆胥井儒冠節烈崇山丘  
幕府獻策事已去空傳聿牘摹鍾繇史公殉城韓公繼  
雙騎箕尾晶芒收孤兒離母吮母乳天昏鬼哭宵啾啾

咄哉辛家一老婦厥功直與程嬰侔殭屍夾卧蹠萬騎  
神之所護非人謀即今磊砢天下士乃從患難延冶裘  
醉白尊人殉難及辛  
姬全孤事並詳家傳隻身營家自挺特曉音牖戶工綢  
繆手展父書泪千斛聲華迭邊騰齊州古來才大難為  
用雲飛蛙黽潛螭虬鳶肩火色有際會如君豈合終此  
不昨者跋馬檀柘側褒衣長揖輕王侯橫空白眼不稱  
意軟紅揮手彈吳鉤歸來開軒只獨坐簾垂晝永耽冥  
搜插架圖書拂烏几小山卉木清且幽暇時伸牋脫新  
藁古之作者遙賡酬少君自能歌雜珮袞師氣已吞全  
牛此中萬事足自樂塵埃襍被心所羞繫余懷刺亦久  
擲淮南白舫浮夷猶披襟索莫造君處豁然頓覺明雙

樓部詩集卷六

畢蘇集

四

眸雲卿一室無俗韻香旂一盃茶一甌讀君家乘吟君  
句萬古欲共江河流霜天蕭撤共俛仰茫茫四顧風颭  
颭故鄉田廬莽水國思鄰三徑借羊求過旬且辦撥歸  
櫂白鷗浩蕩烟波愁

櫛髮見白者多於去年感而有作

怱怱顏狀改隔歲復何如攬鏡紛霜雪搔頭落比余交  
藤那可覓小摘恐無餘九曲誰高唱踟躕望日車  
早是三千丈能禁幾段愁十年芳草夢一夜碧梧秋筋  
力嗟鞭笞行藏惜蒯緱眼中吾老矣楮面話封侯

重關疊嶂圖

竟幅蒼然色盤迴萬仞間人烟芳樹棧鳥影夕陽山冠

嶺瞻初地烘雲失舊關勒銘天險在持此問烏蠻

咏物六首次友人韻

燕支

莫倚天然意須知著色工櫻花宜露浥芍藥待烟籠沾  
染原知白摧殘為洗紅光榮如可駐長對日華東

辰粉

脂盃香初冰去 薔蘼露旋融不愁施太白恰稱暈微紅  
璧月修容淡兒郎剃面工參軍誰慣弄蒼鶻在場中

花簪

匊葉鴉翎側花簪昨夜枝輕跼挨柔柔弱線貫絲絲墮  
處雙鬢報飄來一蝶隨晚妝斜照裏惆悵為誰披

樓邨詩集卷六 翠蘇集

五

鏡匣

磨出一泓碧捧來滿月圓倚牕有好女開匣待何年天  
忌妍媸判人耽混濁偏祇應鸞罷舞文采莫相宣

紈扇

齊紈新製巧玉手捻來宜枕簟無相妒暄涼會有時流  
連猶謝女捐棄只班姬本自恩情在憑君懷袖知

熏爐

一爐常視北旅壁亦追隨曾記灰寒日相憐客散時駁  
紋融似水香縷盪如絲茗熟簾烘處心清兀坐宜

次韻劉雨峰再東閣四首

宣武過從地天涯記比鄰俸分千日酒官繫廿年身暫

許鄉園住重開草閣新行藏問雲水歲月感君親  
侵堦溪尾漲遮屋樹腰斜鳩喚占今兩峰喧報晚衙曲  
流通略約矮柵立丫叉幾許仙源路門前纜小槎  
招邀池上酌水氣拂微涼細藻青簾濕零花紫邏香驚  
秋吟蟋蟀演雅賦鴛鴦逸事徵詩課長鬚比日忙

竹外烟猶薄荷邊雨乍收游魚驚滄沫馴鳥愛啁啾騷  
屑新愁破于喁聽幽月圓開病眼吾欲侶羊求

唐人詩病

眼開時  
月正圓

### 邗上呈方伯胡公

元會時方泰名臣代所需承家原烏奕報國有訂謨紫  
鳳三霄影青麟九達衢望郎翔粉署畿輔翊皇圖鎮俗

樓郵詩集卷六

畢獻集

六

星躔尾分藩地接吳旌麾來北道鞞鞞擁南都數歷勳  
無匹登臨興不孤蒼生齊屬望綠野暫相於宅卜梁谿  
迴峰緣惠水紆爲園寬百畝種樹足千株洛社情俱愜  
東山跡豈迂蠻絲兼羯鼓月胃與花跗幕有嘉賓入輪  
惟大雅扶矧牋傳郢調停板按吳歛是處聞鶯燕隨時  
叶瑟筇淮南曾款洽邗上喜追趨譜誼尊前輩詞華仰  
大巫溟鷗猶索莫籬鷺倍踟躕磨蝎塗多舛維摩疾小  
蘇樞衣陪永叔開閣揖潛夫酒國瓊卮溢歌場錦罽鋪  
風流公瑾曲儒雅祭遵壺杖屨依前席謳吟媿腐儒青  
衫餘翹穩白榻久枝梧說項名應忝悲秋歲欲徂清波  
思刷羽浩蕩亦鷗鳧



周中行貽秋花一籃並將以詩奉酬一首

憂端如蠶衣糾紆不可理開門視高天秋色忽如此周  
子有清癖生事萬花底一畦手栽蒔布置各有以拭葉  
搜蟹蚤壅根剔蟲豸愛劇於好女婀娜嬌未已惜哉風  
雨狂拉雜摧披靡苦遭茅屋破瓦礫所橫被一時人與  
花掩泣泣相視風濤汨郡邑餘虐乃及爾捲茅且勿歎  
芳菲悵已矣入秋幸久晴披尋滌泥滓繞砌細扶持柯  
條弱相倚天意憐餘生殘莖出新蕊譬如兵凶後瘡痍  
乃復起亦如我久病漸瘳稍色喜我方晝掩關虛過九  
秋裏覺然來長鬚手擎紅間紫花花何芬榮葉葉亦鮮  
美既采秋一叢兼致詩一紙捧詩艷秋香胃臆豁蒙否  
急招周子至對花傾綠螳此皆摧折餘復得敷華蘼自  
非培護力曷由甦既死榮悴會有時人生念終始有酒  
復有花聊共爲懽耳

送內兄張蔚林之漢江

頭角原堪一戰霸吞吳小用亦爲家清江入漢波濤闊  
兮鬢微星歲序賒兩度戈鋌探敵壘幾番烟月冷春華  
輪困意氣頻傷別剪燭西窓菊正花

初來襍被火流金忽聽驪駒霜染林

余至邗上猶酷熱今降霜矣

串歡場忘旅夢江關離思動寒砧北歸萊子攜家日

余方

還西去沙哥隔歲心倘傍梅花似官閣春風門巷待車

音

江船別蔚林

決月為懽欲別難滿天寒日下江關午風乍起微搖浪  
曉霧初消不隱山四扇箬篷連巨楫百尋絙索上游環  
烟波攪動平生志看爾乘流自往還

雜感詩二十首

水後攜家邗上涉秋徂冬時宿疾小愈忽忽  
窮愁有感輒賦匪用刺譏聊抒情愫及理歸  
棹數之得二十章稍自整比不復倫次云

挂壁刀環起自彈單衣十月滯江干風威已蹴簷花盡  
霜氣初封木稼寒烏鵲飛迴三匝晚鷓鴣巢憶一枝安  
王孫空有漁竿在直北關河掩泪看

淮南郡邑  
盡沒于水

樓郵詩集卷六

望蘇集

八

捲波淮堰浩無邊釜底孤城一綫懸瀕死子遺依野岸  
幾時墟落起炊煙沉菟未偃龍鼉穴敝縕方支雪霰天  
傳語流移休遠去 皇恩留命待桑田

吾鄉屢  
有賑濟

怪雨盲風去鷁迷高原水出與簷齊

余於七月廿四日  
舟過御伯值大風

兩是日水  
長八尺

淮黃一夜沉江北歌吹三秋咽竹西奏入

殿庭勞咻噢憂分司牧竚雲霓青州富弼今誰是側耳  
饑烏遍野啼

歌堂舞榭記南朝開過瓊花春寂寥從古幾株隋苑柳  
于今八月廣陵潮折梅水部棲官閣載酒司勳夢楚腰  
何處風流尋六一江聲山色晚蕭蕭

枉是襄陽五字工不才多病兩惺忪拖腸漫笑仙家鼠

握臂誰憐藥店龍過眼煙光縈蔓草垂空雲月冷高松  
滑稽莫羨侏儒飽只乞金杵露一鍾

九載蹉跎事略同鬢絲禪榻幾秋風馬周豈合火鳶相  
韓愈未離磨蝎宮舊日文章芟夏課新來歲月付冬烘  
嫁衣刀尺盈箱在西抹東塗一笑中

高和遺篇歸去來可能懷抱向人開此生自記龔為命  
不好無勞鳩作媒蘆葉漫逢秋後雁蟲窠幾聽雪中雷  
蒼茫不下王章泪莫傍牛衣更論才

跋馬當年向帝都鞭絲禿盡自胡盧功名剛道磨菱刺  
世態真成剥栗稗萬里鳧鷗波浩蕩一宵蝴蝶夢虛無  
朝來敝篋繙書卷惆悵東村放牧圖

樓部詩集卷六

畢蘇集

九

曾聞銀漢是紅墻昨夜星辰憶桂堂巫女牽雲迷楚客  
洛妃踏浪嫁陳王萎隨秋草悲蘭蕙饑伏空山泣鳳凰  
已是春心灰冷盡自邀明月照空梁

夢到風煙覺後疑十年磨劍竟何為生能富貴亦偶爾  
時有英雄良可知長揖誰當推健者低眉爭肯事纖兒  
酒酣雙耳猶應熱吹徹西風一領絲

脅折忽傳秦相國河清無復宋閻羅蠻絃羯鼓音難辨  
霧閣雲窓夜正過天上風行能事畢山中歲宴故人多  
杜陵舊識峨眉老欲學飛騰如懶何

貢媚有霧羣幻怪稱尊無佛亦荒唐豬婆狎浪迎螺女  
木老投巖拜竹玉水上冰將融煖律形邊影易墮斜陽

謀身自合求長策掠眼菁華爲底忙

舊事紛綸幾盪觴閒繙青史費評量客來陽翟能居貨  
名動臨邛早任郎大地黃金生鳥翼一叢朱槿上釵梁  
澗松望絕山苗影爭解漫天白雪香

鳳紙相思有密傳幾條白道上雲煙飛翻光影偷靈藥  
傲倖波濤駕土船乍可明星配殘月旋看雨馬送風駟  
閉門寒徹漫漫夜五點三號並怘然

閨闔何從問碧翁九衢風雪正迷濛彈箏擘脯客懷刺  
躍鳳翔蛟文送窮那得是中真有鬼却教怪事枉書空  
從今只學希夷睡一幅團蒲訪華嵩

尚煩苓朮治餘病不斷雞豬饜老饕畫幃四圍夜卧穩

樓部詩集卷六

畢蘇集

十

紙窓一面朝暾高經秋索莫收紈扇隔歲恩情展溫袍  
笑問窮愁舊徒侶還能買酒剝雙螯

塵埃蹤跡逐秋蓬香炷燈光此夕中對客敢論牀上下  
移家只在灑西東雲邊容與初斜月霜後調刁乍朔風  
歸去柴門埽花徑滿邨黃葉暮烟籠

三十年惟成噩夢五千卷不塞饑腸誰能堪此情難免  
焉用文之隱亦將盜裏斗儲分鶴料屋邊寒潦上魚梁  
幽偏最喜無人識獨倚枯藤看夕陽

未抵書厨笑腹便梅花著蕊欲寒天從教鮭菜嗤三九  
尚擬春衣典十千杜甫老妻借小艇左思嬌女得新篇  
黃雞白日歌聲放燈底初浮藥玉船

卧野一蛇何落落光榮二鳥莫津津封侯面上原無福  
抱犢山中合有因溪友招邀常傍夕禾經檢校及初春  
仇池只在人間世雨露桑麻望眼新

哭湯蘧浦三首

老眼皇天在匆匆敍此人風雲猶氣象海岳不精神老  
驥蹏終蹶潛虬鬣未伸遺編心血盡篋笥掩飛塵  
生菑為兄弟浮名敢後先論文悲竿瑟把酒酌風烟鸞  
鍛鷓臬鬪鐘沉瓦缶宣樊南哭司戶俛仰倍潸然  
天自屯時命人猶重老更書傳黃叔度師拜鄭康成衣  
德看諸子微言見一生霜風牲石冷松柏有哀聲

燕游諸子讌集詩

有序

樓郵詩集卷六

畢蘇集

十一

僕漫浪辭家莽蒼遵路烟霄顧望塵鞅踟躕  
客媿射洪歷通都而感遇地思廣武托名飲  
以詠懷僂指從頭驚心覆手時低徊於舊雨

恒眷念乎同鄉月胷花跼酬唱黃門別院

余在

都門寓劉後齋都諫宅

歌場酒國酣嬉司馬高齋

謂劉兩峰

駕每集羣賢頻開良宴走九衢而相值雖歎

飄萍環四坐以言歡猶能跋扈崇文宣武之  
地並驅不憚兩門甲戌乙亥之交爛醉何妨  
千日豈同山鷓只記南翔忽似乙禽齊尋故

壘賤子晚秋孤棹淒涼營芥鬣之封

余于去歲九月

返舍葬先慈

駕部殘臘軺車倉猝逆縲麻之血

兩峰

於去冬丁外艱旋里望雲續痛埽舍同悲乃若朱周兩

君甫望彈琴之署只乏鶴糧輝斗東儒亦有張湯

二子乍空拂簟之牀徒瞪鰓目無競逸林授餐依

北旅人傷童僕之占葉半韓溫卷圖南游子繡

勺泉之賦陳黃石至念堂則觀閱幾同李燮懷

夏課以寫幽憂喬念堂若鹿沙則編詩猶憶宗

文經秋風而添穉穉劉鹿沙蹤跡之升沉多感

旋歸之歲月相尋還思京洛論心更藉樽壘

聚首費無過侈會不嫌頻朔吹孤清響落虛

檐雪片日光澹白寒凝小閣梅花覓家甕之新

醅不比長安市價顧小童之侍立恍聞旅舍

清謳人乍北而乍南都似子山蕭瑟客忽醒

而忽醉頗同太白清狂僕本恨人猥逢勝日

藥囊初謝敢厭楚糟游舫新回不忘吳詠明

年此會未知聚散何常今日相看正喜風情

不減虎拏龍攫挹豪氣以洗塵襟鳥語蛩鳴

感流光而希逸響請自隗始詎有梧桐河漢

之篇媿在盧前願聞東野昌黎之句覩顏首

唱跋足和章

歲月如奔蛇鴻泥幻爪指面目故依然相逢笑相視二

載滯京華為懽賴諸子駕部愛留賓咄嗟每立庀下馬

傾玉缸午酣夜未已都忘羈客愁但聽足音喜天風吹

鳥羣次第集，治止隔歲俱。言歸先後差，可擬水毀忽。告  
災沉憂積，屯否翻思長。安樂踟躕詎，似此嚴冬二。日  
草白冰壓水，高林無殘葉。蜜脾綻寒蕊，招邀開良宴。公  
榮騰一紙番，更互主客起。某至某止，高陽舊吾徒。迭過  
雪霜裏，恍疑宣武門。小閣滿屣履，肴陳鄉味新。酒勝易  
涖美，觥籌乍翻槃。酣詔旋沸耳，回頭念紛綸。世事勿挂  
齒，且入無功鄉。更味謫仙旨，大塊皆逆旅。不飲啜吝鄙，  
倘免走跋跋。長共懽爾爾。

寄劉後齋三首

鷓鴣戛微風，翩翩依上林。接翼鳳之族，鳴和如玉琴。倦  
飛還舊巢，戢影粉榆陰。長不忘昔游，況乃迦陵音。迦陵  
邈無匹，節節閨風岑。弱羽騁高望，摧藏徒悲吟。微君肯  
我顧，孰為勞寸心。

繁星炯麗天，影避瑤臺月。吾鄉萃人文，吹藜獨超越。喉  
舌領職司，裁哦傍宮闕。懷中繡繡囊，休明暢揚扞。暇即  
手鈔書，含咀日勃窣。寫之長短言，馳而電發。山東兩  
侍郎，相見羨風骨。諸賢姜查徒，引轡讓飄忽。繫余屬鞭  
弭，往往困顛蹶。別來歲已更，晦明幾眇眇。屋梁凝清光，  
琅霄夢恍惚。思把瓊瑤篇，冰壺濯毛髮。

蘇君亦有言，連株同一身。枝葉非路旁，託交骨肉親。二  
年數晨夕，款曲披其真。瑤琳叶氣味，伶藉忘畦吟。春烟  
與秋月，歡詭難具陳。一鶚立閭闔，放鴻下江濬。稻梁空

雲水蘆葉銜苦辛泥中尺鮒居戢戢無縱鱗嚴冬氣凜冽白榻時吟呻春風待開歲披拂涇水濱

柯南陔自都門南歸水阻見過賦贈四首

莫話長安道秋風幾丈塵似君猶不過滿眼更何人櫪驥鳴空急雲龍畫未真祇應縣竹頌光采在中宸

贈言聯袂後歌泣送年華安定門邊雨樵沙院裏花六

旬書閣冷五載嫁衣賒退筆兼殘橐歸裝載幾車余與

共與贈言之會又會于樵沙道院國學近安定門每同試事西厓邀往某宅書館余以病不赴南陔兩月辭去

把君新絕句篷底唱清音李白聞仙訣丘為有隱心青

山嵐霧重黃葉逕雲深可得留君住三年抱膝吟

潛夫方抱病面目尚峻增儲得千升泪洒將二尺冰崎

樓邨詩集卷六

畢蘇集

古

嘔行已慣潦倒醉還能正恐乘風去河梁意不勝

歲暮雜詩十首次雨峰韻

雨峰專取險韻為詩

一載論通塞神銷與色驚

石匏子通塞篇有神銷色驚之語

蟄蟲憑雪

覆病草待春醫頌酒劉伶癖談經王湛癡相將逢歲晏

清詠託雉噫

音噫

宿疾維摩榻清齋彌勒龕誰捐投網雀自縛吐絲蠶海

帶難消結丘蝨不療痰何當求解脫舌上現優曇

不嫌彭澤子頗似太常妻分橐寧同賈烹雉莫羨奚田

思收玉粒瓮喜貯金壺那復常何策頭顱笑伏犀

斗杓春已近朔吹夜難降冰氣凌雙漢寒芒動九杠桂

苻頻告警鈴柝不停撞絕憶張京兆窮檐息吠尮

時邑多盜



警

撞冰飛檄下廣莫冷颼颼縮首官如蝟綠厓隸似猱邨

墟方野哭綱運又塵蹻豈獨憂身事重將短髮搔邑中打

凍撞損兩役  
災民苦之

未諳通許史無力羨田彭白雪一頭滿青天雙眼瞠菜

菘滋露吮蠓蚋舞醯罌笑向東臬裏何妨十日醒

荆高過酒市記得幾徂徠北釀融淩易南烹茗薤蔥歌

惟彈短鞵卜亦叩圓銅莫更尋燕說從今學宋龔

薄夜登籠輒牢丸下箸黏常年盤似錦今日哭難黔細

葦穿魚枕清糟漬蟹箔猶堪招飲伴缸面辨酸甜

度劫知磨鍊省愆釋禍殃國中憂瘼噬冬後念桃僵古敵

樓邨詩集卷六

畢懋集

十五

庶都糠覈典衣豈鸕鷀濟時無上策掬泪枉承眶

昨歲當今日龍岡涕溼顛客歲冬杪為猶思風撼撼復

見雪皚皚臘氣侵梅萼宵光墮燭煤祭詩懷束皙酒脯

獻華陔

樓邨詩集卷六



津	版	4
百	定	29.00

